

刑  
案  
匯  
覽

刑案匯覽卷一

目錄

贖刑

納贖流罪銀數比照總徒辦理

枷號收贖銀數比照徒罪折算

官員犯徒止准贖罪不准納贖

官犯擬徒援減杖罪准其納贖

監生犯滿杖應斥革毋庸責打

毆死人命減流之犯呈請贖罪

刑案圖覽  
應議者犯罪

宗室負欠逞兇行毆酌加枷責

監禁已革宗室呈懇暫行出監

宗室僉配之女懇請扶襯回京

宗室犯死罪例應革去宗室

移住宗室私自回京探母

宗室私自逃赴廣東求親告借

宗室覺羅婦女呈控必須抱告

宗室覺羅誣告訛詐分別治罪

宗室等將旗員拉家兇毆訛詐

職官有犯

知縣辦賑革審開復原官議處

考取筆帖式犯杖八十准納贖

護軍充當筆帖式仍照護軍辦

官員犯罪之案不得遞請柳示

犯罪免發遣

旗人恐嚇親屬財物應銷檔

旗員行同無賴訛詐誣告擬遣

旗人致死胞弟惡案具題

已銷檔未入籍有犯應照民人

旗人發遣改發釋回復被呈送

黑龍江臺站丁犯罪照民人例

奉天驛站臺丁犯罪發遣駐防

屯居漢軍包衣俱歸州縣管理

旗人告假銷檔考職屯田通行

旗人逃走銷檔等款章程通行

包衣旗人逃走毋庸銷檔

包衣旗人初犯竊免刺免銷檔

旗人夫妻銷檔其女仍附旗籍

旗人初犯行竊未得財亦銷檔

旗人發掘祖墳子孫一併銷檔

增

發遣旗人逃走銷檔改爲民遣

逃旗之妻情願在旗侍養看墓

宗室逃走緝拿由宗人府會議

宗室覺羅逃走請宗人府定例

無官犯罪

未入學時犯賭並丁憂官擬害

流囚家屬

呈送家奴發遣妻子一併發配

當差旗人在配生子准入丁冊

銷檔以後所生子女以民人論

在配犯屬並所生子分別釋回

遣配娶妻無罪婦女准其攜帶

遣婦配給遣犯爲妻不准隨帶

隨配旗人之妻夫故無依改嫁

蒙古僉妻發遣妻因患病未解

常赦所不原

呈送發遣人犯應照赦款減免

觸犯擬軍脫逃遇赦准其查詢

觸犯改發新疆應查赦款章程

遇赦不願領回後又具呈請釋

觸犯未經遇赦犯親呈懇釋回

逃回省親被獲其父呈請免遣

甫經發配誤聞赦典不准請釋

偶致觸犯聞喪哀痛隨時呈辦

發遣到配聞母病故逃回被獲

脫逃自首親故仍查有無哀痛

脫逃非因親喪遇赦仍應調發

屢犯並未送官聞喪哀痛准釋

兩次呈送發遣聞喪哀痛不准

增

書吏侵蝕錢糧擬斬援免監追

止查辦徒杖笞軍流折枷不准

准赦軍流赦後脫逃改爲總徒

刑案匯覽卷一目錄終

刑案匯覽

卷一

目錄

五

刑案匯覽卷一

贖刑

納贖流罪銀數  
比照總徒辦理

直隸司 查納贖例圖內開有力之家五徒及總徒  
各犯載明准贖銀數其流罪人犯有力款項並無作  
何納贖之文推原其故蓋三等流犯例內載明不忍  
刑殺流之遠方是以圖內並無納贖之例今減等擬  
流之三全係奉

特旨減等納贖該司援照總徒人犯之例辦理聯等詳加  
酌核流罪較滿徒止加一等而三流同爲一減總徒

婦人不孝擬杖  
收贖案載子孫  
違犯教令條流  
隸小吳張氏

枷號收贖銀數  
比照徒罪折升

### 四年人犯若遇

赦止減去一年且名例內已流而又犯流者亦止總徒四  
年其爲流罪與總徒四年之例實係並行不悖該司  
將三全照總徒人犯准贖銀二十兩之處似無歧誤  
乾隆五十年說帖

晉撫 咨奉部行令婦女犯姦杖罪的決枷罪准其  
收贖等因查納贖圖內並未定有枷號如何收贖之  
文惟名例犯罪免發遣條內徒一年者枷號二十日  
每等遞加五日等語則枷號三十日者應折徒二年

天文生犯杖罪  
應否斥革聽禮  
部議雲南司王  
式金案載詐欺  
官私取財條

查徒五等俱包杖在內今於徒二年內除包杖八十  
應折銀六分外其徒二年者止應贖銀一錢六分五  
釐婦女犯姦既決杖一百其枷號一個月應照徒二  
年除包杖八十折銀六分外止應收贖銀一錢六分  
五釐至於親屬犯姦應枷號四十日除決杖一百折  
銀七分五釐外應照徒三年收贖銀二錢二分五釐  
其和同誘拐犯姦應枷兩個月者除決杖外應照流  
三千里收贖銀三錢七分五釐相照咨請部示等因  
應如該撫所議照律分別收贖

乾隆二年通行

官員犯徒止准  
贖罪不准納贖

陝撫 咨官犯劉晉懇請納贖一案查舊例內載文  
武官革職有餘罪及革職後另犯笞杖徒流雜犯死  
罪俱照有力納贖無力的決發落其貪贓官役概不  
准納贖迨嘉慶六年本部纂定例文凡文武官犯罪  
本案革職其笞杖輕罪毋庸納贖若革職後另犯徒  
流軍遣依例發配有呈請贖罪者刑部核其情節奏  
明請

旨定奪其貪贓官役概不准納贖等語並於進呈

黃冊內聲明文武官犯徒流雜犯死罪照有力納贖之

處係屬舊例業已不用各等語是文武官犯軍流徒  
罪自是請贖罪者自應奏明請

旨歷經遵辦在案至例內貪贓官役不准納贖之語係指  
笞杖輕罪例准納贖者而言非謂徒流以上不因貪  
贓獲罪者一概准其納贖也此案官犯劉晉係依違  
制律加誣告三等擬徒例不准其納贖該撫既稱應照  
捐贖銀數奏明請

旨又稱犯徒流軍遣罪非因貪贓仍准納贖既與定例不  
符措詞自相矛盾該司剖晰例義議駁尚屬允當應

官犯擬徒援減杖罪准其納贖

請照辦  
嘉慶二十一年說帖

湖廣司 查例載文武官革職後另犯笞杖罪者照例納贖徒流軍遣依例發配其貪贓官役概不准納贖等語又檢查上年十二月內本部具題順天府尹造送在配徒罪官犯吳孝顯等二名開單進

呈奉

旨吳孝顯等准其減等收贖欽此在案是官員革職以後犯笞杖等罪若非貪贓例准納贖至現在官犯至徒罪原不在准贖之例其徒罪既准減杖較之革職後

另犯杖罪者情事相同既非貪贓似可准其納贖此案楊文燦於知縣任內因相驗不實擬徒欽奉

恩旨減杖該撫將楊文燦所減杖罪准其納贖咨部

職等

核其原犯並非貪贓與准贖例案尚屬相符應否准其納贖仍俟

鈞定 嘉慶七年說帖○應與次案參核

河南司 查例載文武官犯罪本案革職其笞杖輕

罪毋庸納贖徒流軍遣依律發配等語此案典史安

郁文非理毆責賊犯牛貴身死依因公事非法毆打

罪帖式犯杖八十杖不滿百應  
在納贖案職職  
官有犯條

致死律擬徒恭遇

恩赦由徒減杖非本案革職止犯管杖輕罪者可比自應  
照例決罰該撫聲稱業已革職應毋庸議已屬錯誤  
且係官犯應否援減應隨案奏明恭候

欽定本部未便據咨率覆應令該撫照例具奏

道光九年  
說帖

監生犯滿杖應  
斥革毋庸責訂

湖廣司 查例載監生有犯管杖輕罪照律納贖罪  
止杖一百者分別咨奏除名等語是監生犯杖一百  
之罪例內止應除名並無折責發落之文此案監生  
陳元俊因伊子陳孝任竊伊膳穀並不依法決責輒

毆死人命減流  
之犯呈請贖罪

橫加毆打致令傷重殞命實屬非理毆殺應如該撫  
所咨陳元俊合依子孫違犯教令非理毆殺者律杖  
一百惟該犯罪止杖一百業已革去監生所得杖罪  
應照例毋庸發落所有該撫咨稱折責四十板之處  
應毋庸議

道光十二年說帖

廣西撫 奏竊照罪犯非常赦所不原例得准其贖  
罪又乾隆二十三年欽奉

諭旨斬絞緩決各犯納贖之例永行禁止遇有恩赦減等其

憚於遠行者再准收贖其贖銀仍照原擬罪名不得照減

援赦減流之章  
全占係平人捐  
銀一千二百兩  
公費六十兩奏  
准贖罪嘉慶十  
二年浙省案

等之罪欽此茲查唐添香唐添定係同胞兄弟唐添香報  
捐守禦所千總六品職銜唐添定報捐貢生該二犯  
均因毆斃人命照圖殺律擬絞秋審緩決一次欽奉  
恩旨減流茲據唐添香之子唐良瓊唐添定之子唐良美  
呈稱伊等之父均因年老多病不能赴配情願代父  
唐添香照例備銀四千兩唐添定備銀二千兩呈請  
贖罪核其情節均非常赦所不原與贖罪之例相符  
應否准其贖罪伏乞

聖鑒等因道光十二年六月二十日奉

上諭祁埶奏減等流犯之子呈懇代父贖罪一摺唐添春  
唐添定俱著准其贖罪欽此 耶抄

應議者犯罪

宗室負欠送兇  
行毆酌加枷責

律例館 謹登山東等司審辦提督咨送張泳翔呈  
控宗室吉慶欠錢不還率同子僕將伊毆傷一案奉  
諭向來辦理棍徒擾害之案俱係臨時酌量問擬有直  
引屢次行兇例擬軍者有實在情兇勢惡雖一時一  
事亦引此例擬軍者有情同擾害尚非無故逞兇因  
而量減擬徒者歷經辦有成案至於官貴勢豪有犯  
非平人可比更須從嚴使知警懼不得以尋常閭閻  
一例科斷此案民人張泳翔具控宗室吉慶欠錢不

還率領子僕將其毆傷等情前據山東司司員回堂傳訊吉慶家人唐幅兒供認伊主委係該欠張泳翔車錢八吊七百文伊主將張泳翔毆傷屬實迨會審時吉慶於當堂斥詈問官恃符狡展旋被唐幅兒質證始行畫供各等語該司將吉慶照棍徒量減擬徒係屬酌情定罪原稿內雖未將咆哮公堂斥詈問官種種兇惡情狀敘明而畫稿時該司員等亦會回明堂官各堂見吉慶情節可惡是以照議畫行而吉慶畏罪避匿賸遺子慶恬翻控本部改派安徽司審訊

並無該欠情事後經派員審訊吉慶始供認該欠車  
錢八百文毆傷張泳翔一次又在途遇用鞭毆傷張  
泳翔一次該員等將吉慶看作尋常毆問擬不應  
重杖與山東司原擬罪名輕重懸殊查吉慶身係宗  
室附近居民誰敢與較乃負欠逞兇欺壓平人訊供  
時復逞刁狡展種種兇橫實屬棍徒非尋常毆毆可  
比山東司將其量減擬徒本無錯誤迨翻控派審訊  
明吉慶負欠兩次兇毆似應照原擬罪名問擬滿徒  
方足以昭平允而儆刁風乃派審司員止將吉慶擬

以不應重杖是有意改徒爲杖又將原審司員交部  
察議在山東司復何敢言惟被議無名何以服山東  
司之心且擬徒之稿業經書至六堂如果原擬罪名  
過重何以當時並無異議今本部堂官以原無錯誤  
之案而甘自認錯亦殊不成事體總之此案人人共  
知止有吉慶欺人那有人欺吉慶卽據現在派審司  
員所取供詞平心而論吉慶負欠兩次毆人究竟應  
照常鬪問擬重杖抑應照棍徒量減擬徒公道自在  
人心所不得不辨者誠爲本衙門顧大體非區區爲

山東司處分而言也愚論恐未必卽是今將所議原  
帖及派審司員所呈稿底一併發交各司比對成案  
公平妥議斷不可少有迎合之見究竟何者爲允俱  
各註明交律例館司員彙齊核定辦稿呈堂再行定  
案方成信諭至派審及山東司各員似應迴避不必  
再議矣先將此回明

各堂然後傳司等因茲據直隸奉天福建四川廣西浙  
江等六司各以吉慶所犯情節較重應照棍徒量減  
惟所議俱係將吉慶兩次毆打張泳翔及斥罵咆哮

等情科罪如果案情確鑿所議自極平允但現據山東司付稱原稿內既未敘明宗室吉慶咆哮公堂斥罵問官情節現在礙難呈辦等因查吉慶有無當堂肆鬧各情原審司員自必目擊其事今山東司既付稱礙難呈辦若仍據前次回堂之語定讞似覺供勘未符誠恐吉慶父子轉得有所藉口似應將此層毋庸置議至六司之外各司所議輕重不一江蘇貴州二司專據吉慶兩次毆打張泳翔一節謂吉慶罪應擬徒似覺未甚確當又據山西司議稱吉慶咆哮斥

罪等情既未敘明似應擬杖查吉慶原犯情節較重  
僅予杖責雖已嚴於凡關尚不足以蔽辜又據雲南  
司議稱擬徒似覺過重擬杖亦覺過輕其究竟應科  
何罪仍未議及惟據陝西江西廣東等司議請將吉  
慶照不應重杖酌加枷號一個月職等查核洵屬允  
協雖河南司說帖所稱此案宜比凡關加嚴宗室向  
無再加枷號之條應照宗人府例實行責打等語與  
陝西等司所議又不相符但查宗人府則例內原載  
有宗室犯枷號者枷一日折圈二口之語且檢查道

光三年宗室克永等向花戶訛索案內宗室穆蘭布等卽均係照不應重杖加擬枷號似可仿照酌辦至山東司將吉慶依棍徒量減擬徒尚在吉慶第二次毆打張泳翔之前原擬固未允當惟該司原稿

各堂尚未盡全核與堂稿盡全罪名已定者有聞且旗人犯徒例得折枷是徒與枷杖罪名亦不甚相懸似應免其置議仍咨吏部查核俟

鈞定後再具稿尾交司辦理

稿尾此案宗室吉慶因伊

媳出門探親雇坐張泳翔車輛言定京錢八百文回

案後吉慶次日尚欲乘坐向張泳翔問價因其索價過多中止未將當日乘坐車錢付給次日卽雇坐別人車輛經張泳翔瞥見用言譏誚吉慶生氣將張泳翔揪跌倒地撕破衣服抓咬成傷並用木棍毆傷其肩甲張泳翔被毆不甘赴官控告嗣吉慶與張泳翔途遇爭論復用馬鞭毆傷張泳翔左後肋並抓傷其右臂脰咬傷其右手大指均經平復該宗室負欠未還倚勢行毆張泳翔並未還手迨張泳翔控告後吉慶不候官斷復將張泳翔肆行毆打實屬理曲逞強

較之威力制縛拷打者情節尤重自應酌量問擬宗室吉慶除手足他物毆人成傷輕罪不議外應照不應重律杖八十若係民人應酌加枷號一個月以爲恃勢逞强者戒吉慶係宗室應由宗人府照例辦理張泳翔呈控吉慶該欠車錢八千餘文今訊明止欠車錢八百文並因多言聲譽被毆控告希圖從寬准添砌吉慶屢欠車錢並率子僕將其毆傷等詞本有不合姑念業被吉慶兩次毆傷且與告數事全虛者不同應免其置議宗室吉慶呈內所稱屈坐張泳翔車

覺羅恒林之女  
大姐被人姦拐  
應銷除本身紅  
檔交伊父領回  
管束嘉慶二十  
五年奉天司傳  
回案

輒議價京錢八百文已經付給等語亦屬失實惟究

因恐伊父罪重情急呈訴到案時又據實供明情尚  
可原亦應免其置議唐幅免因與張泳翔質證一時  
不能分辯妄行承認並非有心扶同誣陷伊主應與  
僅止拉勒之慶幅均毋庸議此案原審山東司司員  
將吉慶照棍徒量減擬徒辦稿呈堂尚未盡全與罪  
名已定者有間迨經慶恬呈訴該司卽稟明調司辦  
理會同審悉前愆將吉慶改擬重杖酌加枷號查旗  
人犯徒定例本應折枷罪名亦不甚相懸似應免議

監禁已革宗室  
呈懇暫行出監

仍移咨吏部查核

道光六年說帖

廣東司 查已革宗室廣瑞因伊父海忠拜劉興禮  
爲師入紅陽教並學習給人治病收受病家謝禮尚  
未傳徒奉

旨將廣瑞革出宗室發吉林永遠監禁海忠之妻那拉氏  
同女均發吉林安置現在那拉氏病故廣瑞呈懇出  
獄將伊母屍棺送京歸葬並將伊妹聘出事結仍發  
吉獄監禁該將軍亦卽據情請示查廣瑞在吉林永  
遠監禁及伊母那拉氏同妹在吉林安置從前均係

奉

旨發往該犯既已獲罪出宗卽與旗民無異旗民有犯永  
遠監禁從無准其暫行出監成案未便據咨率准既  
經宗人府行令該將軍自行酌量奏辦應聽該將軍  
查照辦理

道光十年說帖

廣東司 查海忠係奉

旨發往黑龍江充當苦差海忠之妻那拉氏同女均發往  
吉林安置前據該將軍咨稱海忠之女因伊父母俱  
在配所病故懇請扶柩回家歸葬並欲依附京城親

宗室食部之女  
懇請扶柩回京

故筭情咨部本部當卽轉咨宗人府辦理茲據宗人府咨稱向例革退宗室一切婚喪嫁娶等情俱不由宗人府辦理咨覆等因查已革宗室海忠之女係奉旨發往吉林安置應否准其扶櫬回京本部例無明文應由該將軍自行奏明請

旨辦理

道光十二年說帖

宗室犯死罪例  
應革去宗室

廣東司 查宗室釀成命案宗人府會同刑部先行革去宗室照平人一律問擬斬絞之例係道光五年七月間大學士軍機大臣會同各該衙門詳議宗人

府條奏宗室懲勸各事宜奏准纂入例冊其是否革去四品頂戴抑或實行革去宗室之處應由宗人府查核辦理

道光十二年說帖。片覆底錄後

片查宗室釀成命案宗人府會同刑部先行革去宗室照平人一律問擬斬絞之例係道光五年七月間由宗人府條奏宗室懲勸各事宜經大學士軍機大臣會同各衙門詳議具奏奉

旨嗣後著管理宗人府王公等隨時稽查彈壓並出示曉諭凡被害之人卽據實向問刑衙門呈訴並飭番役等

一體查拿送官究治其犯笞杖軍流徒等罪審係不安  
本分者卽照此次議定科條分別枷責發如有釀成  
命案者先行革去宗室照平人一例問擬斬絞分別實  
緩其進呈黃冊仍著由宗人府辦理等因欽此嗣經本  
部遵

旨纂入例冊至革去宗室四字之下可不添用頂戴二字  
及將此例刪去之處本部未便率行刪改惟此條例  
文係由宗人府條議且宗室罪犯斬絞進呈

黃冊亦仍由宗人府辦理應聽宗人府自行核辦

移住宗室私自  
回京探母

盛京將軍 奏福清泰身係宗室遵

旨移住

盛京復私行回京訊因母病思念情切尚無別情且到  
京時卽向該學長投到帶赴宗人府稟知卽與自行  
投回無異例准免罪惟不向該管官據實呈請私自  
回京應比照八旗兵丁前往各省不領印票私自前  
往例鞭一百折罰養贍銀一年係自行投回毋庸開  
除

玉牒仍應送往

盛京等因嘉慶二十年三月初三日奉

旨此案移住盛京宗室福清泰因接家信知伊母年老多病屢醫未痊若呈明給假原可准令回京省視乃私自潛回實有應得之咎今該堂官等擬以罰養贍銀一年仍令奕紹帶往盛京福清泰之母患病未痊伊到盛京後繫念情切必又思回歸福清泰著罰養贍銀一年交宗人府堂官責處二十板以懲其私回之罪卽令在京侍奉伊母俟養親事畢再行押往盛京居住原情勅法固並行不悖也欽此

湖廣司案

宗室私自逃遁  
廣東求親告借

奉天司 奏宗室惠章因欲向伊妻兄王輅借貸潛  
赴廣東臬司署中當經王輅稟知巡撫其奏解京查  
惠章身係宗室不自檢束輒因欲向借貸私行逃出  
數千里之遙未便因無滋事別情稍爲寬縱若僅照  
滿洲逃走被獲例擬鞭一百折罰養贍不足示懲應  
請將惠章革去四品頂戴從重發往黑龍江管束等  
因奉

旨宗室惠章私赴廣東經宗人府會同刑部擬發黑龍江  
管束宗室向無發黑龍江之例雖近來宗室頑鈍無恥

宗室覺羅婦女  
呈控必須抱告

不可教訓不知話言者多朕終存議親之念惠章著改  
發吉林嚴行圈禁空房不許外出至惠章於解京看守  
後復敢突身走出不聽攔阻實屬強橫藐法著宗人府  
先行重責四十板等因欽此

嘉慶二十四年案

宗人府咨稱本府奏為飭禁宗室覺羅婦女呈控  
並酌定懲處專條以儆刁健仰祈

聖鑒事查戶部例載在京八旗婦女在部呈控地畝案件  
責令本家成丁子姪兄弟或母家至戚出名抱告代  
審如無抱告親丁許令家人抱告代審如實無親丁

家人者該族長代行呈明該叅佐領查明具結聲明緣由送部倘有並不填寫抱告混行瀆控者概不准理若有抱告而控屬虛誣者罪坐抱告等語是八旗婦女具呈者尚不准理而宗室覺羅婦女尤宜自愛臣惟衙門則例內並無婦女具呈不准理之明文又

無婦女逞刁瀆控如何懲處之條往往有倚恃身係宗室覺羅婦女任意砌詞瀆控或於審訊時不待傳問直入公堂逞刁剖辯不服訊斷或於訊斷後翻控不休最爲惡習尤宜亟加禁止予以限制以正風俗

臣等公同核議嗣後宗室覺羅婦女具呈者除係呈送忤逆仍照前例訊辦外其餘案件概不准理如有收其呈詞者卽照擅受例叅處若實有冤抑應令其成丁弟兄子姪或母家至戚抱告無親丁者令其家人抱告官亦必爲秉公審理如有抱告控屬虛誣罪坐抱告倘有仍前出名刁控或令人抱告後又復自行赴案上堂逞刁以及擬結後曉曉瀆控者無論其所控曲直均照違

制律分別辦理有夫者罪坐其夫無夫者罪坐其子嗣

若無夫及無子嗣者卽折罰其婦婦錢俸如此酌定  
懲處之條預行曉諭庶可以儆不健而優遵循是否  
有當俟

命下之日卽咨行各該衙門並傳各旗長欽遵辦理仍俟  
修例時纂入遵行等因道光六年五月二十日奉

旨依議欽此 奉天司遵行

奉天司 奏道光八年十二月二十五日奉

宗室覺羅誣告  
訛詐分別治罪

上諭宗室誼屬天潢理應整飭行止守分安常從前風俗  
醇樸宗室人等最爲安靜嗣因沾染陋習間有一二不

肖之徒不知自愛蕩檢踰閑近來積習更深往往以不干已事挺身出控藉端訛詐不一而足此風斷不可長若不明定科條何以警刁頑而挽頽俗著軍機大臣會同宗人府刑部酌議條例具奏欽此仰見我

皇上篤念宗親寓成全於教誡之中以期漸返醇樸臣等恭讀

諭旨欽佩難名伏思宗室派系繁衍齒日衆其中固不乏敦品勵行之人而不知自愛敗檢藐法者亦所不免近日商謀串詐藉端訛索案牘滋繁大半出於松

徒之教誘架唆極厥所由總由宗室科罪不過折圖  
卽或間有發遣尚須疊次併計是以不知儆畏輕犯  
刑章而旗民不肖之徒以其罪僅止此教令藐玩藉  
圖恐嚇訛詐朋比分肥現蒙

聖明鑒察飭令明立科條若不量予從嚴誠不足以昭炯  
戒伏查刑例內載在外刁徒口稱奏訴直入衙門挾  
制官吏者所在官司就拿送問若係干已事情及有  
冤枉者照例審斷仍治以不應重罪其不係干已事  
情別無冤枉並追究主使一體問發近邊充軍又被

劾人員懷挾私忿撫拾別項贓私不干已事奏告以  
圖報復者不問虛實立案不行又實係切已之事方  
許陳告若懷挾私讐改捏姓名砌款粘單牽連羅織  
希圖准行妄控者除所告不准外照律治以誣告之  
罪又無藉棍徒私自串結將不干已事捏寫本詞聲  
言奏告詐贓滿數不分首從俱發近邊充軍若妄指  
宮禁親藩誣告平人者枷號三個月照前擬發又軍民  
人等教誘宗室爲匪及賭博誣騙財物者俱問發近  
邊充軍各等語是不干已事妄行訐控者本有立案

不行之例而捏情牽涉主使教誘者亦各有分別治罪專條無如該管衙門因其所控或涉贓私或關係實率皆准予奏咨審辦每多牽連羅織在被控者本有情弊懼干敗露不能不爲挾制卽實無情弊亦恐身受拖累因而甘心隱忍出賄求息比時若無論其虛實概不究治則嚇詐不行固可稍息訟源惟刁徒變詐百出知其控不干已立案不行必有假捏情由冀圖准理迨至審明虛妄而受其拖累者已多臣等公同酌議嗣後宗室覺羅人等告訐之案察其事不

干已顯係詐騙不遂因而控告者該管衙門立案不行仍將該原告咨送宗人府照違

制律杖一百實行重責四十板如敢妄捏干已情由從准及至提集人證審辦仍係訛詐不遂串結捏控者卽將該原告先行摘去頂戴嚴行審訊並追究主使教誘之犯倘狡辯不承照例先行板責訊問審係捏款虛誣除坐誣罪應斬絞者仍照向例請

旨辦理外其餘誣告之案無論詐贓多寡已未入手但經商謀捏控不分首從俱實發吉林安置到配仍重責

四十板以示懲儆其主使教誘及添威助勢之犯無分軍民人等均照例發近邊充軍仍先枷號三個月滿日再行發遣係旗人銷除旗檔一律辦理即使所控得實但因串詐不遂捏情圖准者亦卽照此例定擬不准以事出有因量爲援減俾咸知儆戒漸挽澆風庶仰副

聖主明刑弼教之至意如蒙

俞允宗人府刑部卽纂人例冊永遠遵行並由宗人府刊刷條例通傳遠支近支各族及八旗滿洲旗分仍咨

宗室等將旗員  
拉家兄毆訛詐

行步軍統領衙門出示曉諭務令周知

道光九年奏  
准已纂例

提督 奏送宗室孟林因馬甲富桂等糾同截搶輒

將護軍叅領孟魁拉回家內肆行毆訛索錢文一

案此案馬甲富桂因知護軍叅領孟魁續娶已故護

軍王祥之妻王氏爲妻疑其仍領婦錢糧輒起意

商同宗室孟林糾允富麟泰等將孟魁截搶拉回家

內毆打訛索錢文迨孟魁被打昏暈救甦後仍行毆

打因孟魁之弟仲魁聞知伊兄被搶赴官屬喊告經

看街兵馬受見向孟林等送信遂各走散查孟魁係

三品職官富桂及宗室孟林等於

禁穀之下糾衆夤夜將該員搶回家內肆行毆打意圖  
訛詐較尋常棍徒情節尤爲兇暴固未便僅照棍徒  
本例分別首從科罪若比照宗室人等誣控例不分  
首從發近邊充軍則首犯較棍徒應發極邊足四千  
里者轉輕自應比例加等問擬富桂富麟泰忠恩巴  
揚阿萬受保佛爾歡泰田五兒方一兒均應依宗室  
人等誣控之案其主使教誘及助勢之犯無論軍民  
不分首從先行枷號三個月俱發近邊充軍例上加

等發雪貴兩廣烟瘴充軍先行枷號三個月仍分別  
銷檔宗室孟林應革去奉恩將軍比照宗室人等誣  
控之案無論詐贓多寡已未入手但經商謀捏控不  
分首從發吉林安置例上從重發黑龍江到配重責  
四十板嚴加管束步甲高二看街兵馮受兒明知孟  
林等犯案被拿或帶出方一兒等送往藏匿或告知  
孟林等致令懸案逃避均應按律減罪人罪一等於  
富桂等軍罪上減一等杖一百徒三年馮受兒漏泄  
其事犯經他人捕得應照律再減一等杖九十徒二

一年半等因道光十年十一月十八日奉

旨此案宗室孟林因馬甲富桂等糾同截搶輒將護軍叅  
領孟魁拉回家內肆行毆詆訛索錢文情節殊爲可惡  
宗室孟林著革去奉恩將軍交宗人府崇嵩堂重責四十  
板發往黑龍江到配仍責四十板以示懲儆交該將軍  
嚴加管束毋許再行滋事餘依議欽此

知抄

職官有犯

知縣辦賑革職  
開復原官議處

安撫 奏當塗縣知縣趙汝和辦理開賑歸來災戶  
並不由府核轉一案經臣審明具奏奉

硃批該部議奏欽此旋准部咨查例載官員被叅革審之  
案審係全虛該督撫切實聲明准其開復不得概稱  
已經革職毋庸議完結至原叅重罪審虛而該員尚  
有笞杖輕罪應降級罰俸者亦隨案切實聲明將原  
叅革職之案開復仍按其所犯輕罪分別議處等語  
查已革當塗縣知縣趙汝和辦理開賑歸來災戶既  
微譴于文

內府有頂帶之  
包衣達犯杖六  
十聽內務府辦  
理嘉慶二十五  
年福建司王世  
奇達三珠案

先經解任之員  
有應革審者一

據該撫奏稱並無冒濫虛捏均屬確鑿有據惟該革  
員止圖辦理迅速徑行詳司並不先造細冊由府核  
轉究屬違例核與重罪審虛尚有輕罪應准開復改  
議之例相符未便如所奏以業經革職應毋庸議完  
結請

旨飭行安徽巡撫將已革當塗縣知縣趙汝和原恭革職  
之案照例奏請開復仍交吏部議處等因奉

旨依議欽此復查原任當塗縣知縣趙汝和辦理開賑歸  
來災戶並無冒濫虛捏情弊惟止圖迅速徑行詳司

而先行革職一  
具奏嘉慶二  
十二年通行

並不先造細冊由府核轉究屬違例核與重罪審虛  
尚有輕罪應改議之例相符相應請

旨將原叅革職當塗縣知縣趙汝和開復原官仍交部議  
處等因道光十三年二月初三日奉

上諭鄧廷楨奏請將已革知縣開復原官一摺安徽原叅  
革職當塗縣知縣趙汝和著准其開復原官惟該員辦  
理災賑並不先造細冊由府核轉實屬違例趙汝和著  
仍交部議處欽此

邸抄○此案所引係吏部則例

考取筆帖式犯  
杖八十准納贖

直隸司 查律載文武官犯私罪杖一百革職等語

護軍因闕毆擬杖八十革退道光三年雲南司河忠阿案現任世襲佐領擬杖八十交兵部議處嘉慶二十五年直隸司關印咨結案繞騎校手足毆人成傷笞三十交兵部議處道光三年直隸司德泰案內薩壁圖

此案考取筆帖式興海因子三定將備辦祭禮銀兩花用並將驢夫白萬良毆死興海追問情由用刀棍扎毆致死私行殮埋三定係應死罪犯與毆死違犯教令之子孫不同但既不鳴官究治致死後又復私埋經該督審照不應重律杖八十聲明伊所犯杖不滿百應否革退納贖聽候部議等情查三定逞兇致斃驢夫白萬良本屬罪犯應死伊父興海向其追問扎毆致死係屬一時忿激所致與罪犯姦盜詐僞及一應贓私之案迥別伊係考取筆帖式所犯止杖八

護軍充當筆帖式仍照護軍辦

公府頂帶官銜  
泰犯等二十交  
公府自行發落  
道光四年直隸  
司張源振會案  
王府頂帶官銜  
傷兄妻罪不至  
革職交王府日  
行發落道光三  
年廣東司有案

刑案匯覽

十並不在除名時決之列似應照例准其納贖

乾隆五十四年說帖

提督咨送護軍富增額向領催富康索錢互毆一

案查富增額因恐革退錢糧聞知依清額係司員豐

伸泰之弟卽向央求囑託許送京錢一百吊依清額

輒乘機撞騙雖賊未入手未便輕減應將依清額照

指官誑騙財物犯該徒罪以上例發近邊充軍係護

軍充當効力筆帖式尚未食俸應仍照護軍辦理革

退錢糧折枷鞭責發落

嘉慶二十五年奉天司現審案

卷一

名例

三

職官有犯

官員犯罪之案  
不得遽請枷示

陝西道御史 奏問刑衙門暨各省督撫議擬官員

罪名不得遽請枷示一摺嘉慶十九年五月十九日

奉

上諭御史孫世昌奏問刑衙門議擬官員罪名不得遽請  
枷示一摺國家置官刑以儆有位官吏犯法削除爵秩  
其伏辜與齊民等然刑律中亦稍示區別荷枷之罰本  
非一概而施其有情罪較重者皆由特旨加以示懲至  
問刑衙門科斷官員罪名則當遵照定律問擬不得於  
法外濫議加刑奏上時權衡出自上裁若高杞問擬吳

那一案其罪名不在定律之內者原非臣下所當援引也欽此

陝西司通行

例有枷號明文  
因係職官免其  
枷號案載官吏  
受賄條福建劉  
文煥

旗人恐嚇親屬  
財物應銷檔

犯罪免發遣

江蘇司 審辦卓佳氏呈控總麻姪孫成立疊次訛  
索一案查律載期親以下自相恐嚇者卑幼犯尊長  
以凡人論註云計贓准竊盜加一等又名例載稱以  
者與實犯同又旗人犯一切以竊盜論准竊盜論均  
銷除本身旗檔各等語此案旗人成立向伊總麻服  
兄恐嚇財物律應以凡人論詳繹名例與實犯同之  
語卽與旗人恐嚇凡人無異旗人恐嚇凡人旣應准  
竊盜加等擬罪銷除旗檔若因該犯係恐嚇親屬卽

免其銷除似未免例案兩歧應交司將成立銷除旗

檔以符定例

道光六年說帖

察哈爾都統 咨已革蒙古捕盜官忠祿身為職官

旗員行同無賴  
訛詐誣告擬遣

犯姦宿娼妄拿良民復挾嫌誣控冀圖訛詐將忠祿

照棍徒擾害例擬遣本部以職官而引平人之條殊

未允當改依旗員誣告訛詐行同無賴不顧行止例

發黑龍江三姓等處當差

嘉慶二十一年山西司案

盛京刑部 咨驍騎校富廣誣指莫氏等因姦謀死親

夫一案查例載旗人毆死有服卑幼情節慘忍者發

黑龍江等處不准枷責完結旗員中如有誣告訛詐  
行同無賴不顧行止者亦如之又奉天省應發黑龍  
江等處人犯卽由

盛京刑部定地徑交

盛京兵部發遣毋庸解京刑部轉發各等語此案已革  
驍騎校富廣身爲旗員乃冀圖邀譽輒捏造白晝偶  
遇旋風以及夢幻不經之語誣指莫氏因姦商同勒  
斃其夫於質審之際復敢捏造呈詞串囑吉力夯阿  
等作爲謀害干證拖累無辜如果屬實莫氏等罪干

旗人致死胞弟  
專案具題

重辟今審係虛誣按誣告人死罪未決律罪應擬流  
加徒該犯居心險毒罔顧行止未便僅擬折枷完結  
應改照旗員誣告訛詐不顧行止例發黑龍江當差  
卽由該侍郎定地發配

嘉慶二十年奉天司說帖

盛京刑部 題崔士成戮死胞弟崔六十四一案查例  
載旗人毆死有服卑幼罪應杖流折枷者除依律定  
擬外仍酌量情節請

旨定奪不得概入彙題等語此係乾隆十九年奉

旨纂爲定例維時滿洲毆死滿洲例禁禁嚴故此等尋常杖

流之案亦必請

肯定奪另立專條不與民人犯軍流造罪一例咨部完結  
復檢查嘉慶十九年

盛京刑部審擬旗人李維勤殺死胞弟擬流折柳一案  
卽係專案具題經本部照覆在案此案旗人律士成  
用刀戳傷胞弟崔六十四身死按例應擬流二千里  
該省專本具題核與例案相符應請照覆

嘉慶二十二年奉天司說帖

黑龍江將軍 咨解穆靈阿送部發遣一案查開散

已銷檔未入籍  
有犯應照民人

穆靈阿先因犯竊銷檔該處因無民籍仍交該旗佐  
領管束該犯既經銷檔如再有犯自應與民人一體  
辦理今該將軍咨稱該犯因不服管束頂撞佐領訊  
明僅止出言頂撞並無另有不法情事聲請應否照  
旗人例發遣抑照民人例充軍之處與例不符該司  
將該犯照部民罵本管官律杖一百仍遞回該將軍  
與該處流寓民人一體管束所議尚屬允協應請照  
辦

嘉慶二十二年奉天司說帖

內務府 咨送吳宋氏喊送伊子海壽懇求發遣一

旗人發遣改發  
輝回復被呈送

案查例載旗下另戶人等因犯逃人匪類及別項罪名發遣黑龍江等處不行改過復行犯罪卽銷除旗檔改發雪賁兩廣種邊烟瘴與民人一體管束又觸犯父母發遣之犯遇

赦釋回後再有觸犯復經父母呈送民人發往新疆給官兵爲奴旗人枷號兩個月仍發黑龍江當差各等語此案海壽本係內務府包衣旗人前因違犯伊父教令呈送發遣黑龍江當差在配不服管束經該將軍將該犯解部照例銷除旗檔改發雪賁兩廣與民人

一體管束恭逢嘉慶二十五年八月二十七日

新疆例已改內地

黑龍江臺站丁  
犯罪照民人例

恩詔釋回該犯仍不悛改時常醉鬧茲經伊母懇求發遣  
查旗人復犯觸犯定例仍發黑龍江當差係指並未  
銷除旗籍而言該犯海壽前已照例銷除旗檔照民  
人一體管束雖其所犯並非寡廉鮮恥惟旗檔內既  
無該犯之名此時復行犯罪似不能轉將該犯作為  
旗人該司將該犯照民人之例發遣新疆為奴尚屬  
允協應請照辦

道光三年四川司現審案說帖

黑龍江將軍 咨緩決減等之王三桂雙頂二犯俱

係另戶水手雖非正身旗人相自康熙年間卽將伊  
等挑補駟站水師營領催披甲水手給食錢糧可否  
折枷咨請部示查乾隆四十九年核覆該將軍奏臺  
站領催陳良佐案內查明該處所管臺站人等俱係  
康熙年間發往當差民人分爲站丁伊等所生子孫  
並非旗人應照民人一體辦理等因在案是王三桂  
雙頂旣非旗人卽應照民人例一體減流辦理

乾隆五十五年奉天司說帖

奉天司 查乾隆五十三年三月內本部酌議

盛京兵部駟丁各邊臺丁雖係旗人不准應考出仕遇有犯竊若銷除旗檔在該犯雖爲刺匪而後所生子孫俱經爲民轉得脫免差徭應考出仕嗣後駟丁臺丁遇有行竊犯案照例治罪仍令充當各項差徭毋庸與正身旗人一體銷除旗檔等因通行在案今站丁劉成因私入

盛京圍場放銃應照例發駐防當差該侍郎以此項人丁犯竊尚不准銷籍若因偷打牲畜實發駐防不惟與正身旗人無異其在配所生子嗣反得應考出仕

議將臺馴兩項人犯犯該軍流及發遣當差等罪加重折枷鞭責交該管官嚴加管束責令充當臺站苦差咨請部示職等查馴丁臺丁兩項旗人前議遇有犯竊照例治罪毋庸銷除旗檔仍令充當苦差原指犯竊罪止杖笞者而言至犯該軍流及發遣當差等項情罪較重若概以脫免差徭爲辭折枷鞭責轉致變成成例殊非聚責之道若謂駐防當差與正身旗人無別配所生子反得應考出仕殊不知犯罪發遣自有該管官員管束而當差勤苦亦有輕重之分並

私入盛京圍  
場打牲發駐防  
之例嘉慶六年  
已酌改修併

屯居漢軍包衣  
俱歸州縣管理

非一定其配所子孫若照例詳記檔冊亦不致冒考  
出仕更無須慮其弊混今站丁劉成私入圍場放鎗  
自應照本例發往駐防當差行令該將軍都統責令  
充當折磨苦差將來在配所生子孫詳記檔冊永遠  
當差不准應考出仕所有該侍郎議以折枷鞭責之  
處應毋庸議至該司議以在配所生子孫於成丁時  
遞解回籍充當臺駟差徭之處未免徒滋煩瑣似可  
不必

乾隆六十年說帖

順尹 谷屯居漢軍旗人有犯命盜等案應否亦歸

州縣審辦等情查附京屯居漢軍旗人一切戶婚田土事件既經欽奉

諭旨俱歸所隸州縣管理則作奸犯科及命盜等案自應亦歸州縣審辦惟各州縣有與理事同知通判同駐一城者則理事官係專管旗人之員應仍飭令會同審辦如理事同知通判駐非同城未便因需鞭責致令往返繫解轉滋拖累應卽令該州縣自行訊斷其罪止枷杖笞責者詳報該管上司批結發落犯該徒罪以上者詳解該管上司分別題咨報部均移咨該

旗都統查照至附京住居莊屯旗人有犯軍遺流徒

等罪例應照民人一例定擬則犯杖笞等罪亦應與

民人一體杖責毋庸仍解理事廳衙門鞭責應卽割

覆遵照

嘉慶十九年直隸司說帖○是年已纂例載人戶以籍爲定條

直督 咨屯居包衣旗人商洪亮免死減流應否折

枷請示一案查例載在京滿洲蒙古漢軍及外省駐

防並

盛京吉林等處屯居之無差使旗人如實係寡廉鮮恥

有玷旗籍者均削去本身戶籍依律發遣仍逐案聲

明請

旨如尋常犯該軍遣流徒管杖等罪仍照例折枷鞭責發  
落至內務府所屬莊頭廳戶海戶人等及附京居住  
莊屯旗人王公各處莊頭有犯軍遣流徒等罪俱照  
民人一例定擬又定例附京屯居漢軍旗人有作奸  
犯科及命盜等案俱歸所隸州縣審辦詳解該管上  
司分別題咨報部有犯軍遣流徒等罪照民人一律  
定擬其居住附京之滿洲蒙古旗人有犯仍照旗人  
犯罪各本例辦理各等語是例內旗人犯尋常遣軍

流徙罪名惟滿洲蒙古正身旗人得以折枷元結此外如有差使之內務府所屬莊頭廝戶海戶人等及附京莊屯旗人王公各處莊頭有犯皆照民人一例定擬至所載屯居無差使旗人照例折枷一節係乾隆五十年間本部奏在定例專指東三省旗人而言附京屯居旗人不在此例此案商洪亮因誤扎楊自戕身死擬絞監候之次一次照例減流定案時並未供明旗籍現據伊妻沈氏以商洪亮原係旗人懇請查辦經該督查明商洪亮原係輔國公奕果府內包

衣旗人前在公府當差因有病革去銀錢搬至鴉房  
居住查包衣既非滿洲蒙古正身旗人其業經革退  
錢糧搬至京外居住又非在京食糧當差之包衣旗  
人可比亦與

盛京吉林等處之屯居無差使旗人不同即使定案時  
會據該犯供明旗籍亦不能解部歸入

朝審辦理現在緩決減流若照旗人折枷發落不但與  
滿洲蒙古正身旗人無所區別且較之內務府及王  
公各處莊頭等項有差使者反得從寬枷責完結殊

未允協詳查直隸司據覆該省並無辦過似此折枷  
及實發各案職等復查得二十一年正月間本部現  
審正藍旗滿洲屯居包衣存卷因盜賣他人田畝擬  
徒聲明不准折枷彙題完結所有減流之商洪亮與  
存卷一案情事相同應卽照民人一體定擬

嘉慶二十四年說帖

八旗都統 奏竊臣等仰邀

旗人告假銷檔  
考職屯田通行

恩遇分任八旗各有教養之責伏見

本朝參養旗人之恩至優極渥我

皇上御極以來軫念旗人生計普加賞賚復經臣等節次  
條奏如准令屯居種地添蓋空地官房清查入官地  
畝移駐雙城堡屯田外官准帶族親隨任諸大政陸  
續舉行凡可以利益旗人者無微不至茲臣等公同  
悉心籌議

本朝定制已極完善但歷年久遠後人不能深悉前人  
立法之意往往奉行不善或苛求過當應寬而反嚴  
以致束縛而不得疏通或日久懈弛應嚴而反寬以  
致姑息而無所懲創或應畫一而反歧視或應推廣

而反拘牽臣等以爲師其跡不若師其意或力復舊制或酌合時宜總期與前人立法之意相輔相成庶幾可行可久傳之萬萬世永無流弊謹就臣等智慮所及臚列四條爲我

皇上陳之

一旗人告假閒散與兵丁官員定例原有區別不應一概嚴禁也查官員兵丁各有職守原不應聽其任意告假外出自應勒限回旗其私出者處分亦應從重至閒散並無差使亦無糧餉豈有與官兵

查道光六年  
說帖黑龍江官  
屯係丁多係遣  
犯子孫又吉林  
盛站官莊幼丁  
壯丁並非正身  
旗人脫逃俱免  
銷檔經部議准  
又盛京戶部  
咨官莊壯丁係  
供奉差徭之丁  
亦免銷檔經部  
駁改其有無參  
差未能詳悉第  
此等案均事隸  
督捕司有案可  
稽故不詳考亦  
不全錄

一例嚴禁之理且駐防閒散又無例禁何獨於京  
城而禁之若慮其外出滋事何妨嚴辦向來旗民  
交涉案件例由理事屬審理軍流徒俱折枷答杖  
鞭責旗人自恃地方官不能辦理因而驕縱地方  
官亦難於約束是以滋事常見其多查屯居原有  
照民人問擬之例今外出者既已不在京城所有  
笞杖徒流軍各例自應與民人一體辦理如此則  
地方官易於約束與蔣攸銡前奏革除屯領催守  
堡名口交地方官一體管束之例相符且使旗人

絕其所恃則滋事者必少名爲嚴辦實乃保全應  
請嗣後除官員兵丁告假及私自出境均照舊例  
辦理外所有閒散告假無論前往何處但令照例  
報明佐領告知叅領註冊由該佐領給與圖記卽  
准外出營生該叅領隨時呈明都統存案年終彙  
咨戶兵二部倘該叅佐領有勒指情事或經控告  
或經查出卽行叅處其回京不必勒定限期如在  
外有事逗遛准其報明地方官行文該旗回京之  
日仍准挑差倘出京已逾一年並無地方官展限

吉林旗人初次  
逃走仍照舊例  
被獲者鞭一百  
一年內投回免  
罪一年外投回  
鞭六十二次逃  
走無論投回金  
獲俱銷檔為民  
俾得操演捕獵  
他省不得援以  
為例道光十一  
年十二月吉林  
將軍奏准邸抄

文書到京即行銷除旗檔或在外滋事即照民人  
例問擬或投往親族任所目特尊長挾詐需索准  
外任各官呈明上司究辦或在外年久願改民籍  
者照漢軍例呈明該處地方官准其改入民籍其  
私自出境者即照逃走例至降革休致之官員已  
退錢糧之兵丁未食錢糧之舉貢生監均照閒散  
例一體辦理各省駐防亦一律如此嚴所當嚴寬  
所當寬該管官既無可刁難閒散自不致困守材  
能可用者習武習文仍不礙其上進庸碌無能者

察哈爾蒙古以  
遊牧爲生散漫  
居住非旗人可  
比其逾限銷檔  
之逃人仍交營  
總管束毋庸送  
交民籍道光七  
年督捕司說帖  
又察哈爾都統  
奏該處並無長  
籍可入請將蒙  
古職官人等逃  
才毋庸銷檔道  
光十二年三月  
邸抄

農工商賈亦可聽其謀生雖使億萬年生齒日繁  
而兵額不增資生有路此則舊例之宜講求而不  
當一概從嚴者也

一犯竊刺字其廉鮮恥甘心下賤銷除旗檔各例宜  
實力奉行也應請嗣後旗人犯竊卽行銷除旗檔  
如罪止管杖姑念初犯免其刺字仍得復爲良民  
若改入民籍之後再犯及罪至徒流以上者再行  
刺字逃走初次或實因病迷仍准投回挑差如逾  
限一月後無論投回拿獲及二次逃走者均卽行

銷檔若官員有心逃走一次卽行革職銷檔旗人  
登臺賣藝其廉鮮恥有玷旗籍者姑念因貧糊口  
免其發遣治罪連子孫一併銷檔該管叅佐領限  
三月內據實報出所有以前失察處分概予寬免  
如逾限不報別經發覺仍照例分別議處至窩竊  
窩娼窩賭及誣告訛詐行同無賴不顧行止並棍  
徒擾害教誘宗室爲非造賣賭具捏造假契行使  
假銀描畫錢票代賊消贓一切誑騙詐欺取財以  
竊盜論准竊盜論之類俱銷除旗檔照民人例徒

道光五年刑部  
纂例時查旗人  
犯誘拐強姦親  
屬相姦較詐欺  
各項尤屬有虧  
行止應一併銷  
檔其八旗奴僕  
犯軍流依例發  
駐防爲奴徒罪  
以下照民人問  
擬毋庸銷檔應  
一併增入條例

流軍遣一體問擬不准折枷問刑衙門如有心開  
脫以故出人罪論如此則良莠既分風俗日臻淳  
樸不必別議科條但能深體乾隆年間立法之意  
不務市恩而肯任怨即可漸收成效此則舊例之  
應實力奉行而不當有意從寬者也

一漢軍有考職之例滿洲蒙古宜畫一辦理也恭照

道光元年五月初八日欽奉

諭旨佐雜之職雖亦爲佐理民事而設與其廉容並包而  
聽其壅塞何如嚴覈約選而俾就疏通著直省督撫詳

加甄別其實在庸猥陋劣不堪造就者概行沙汰則才  
具出衆之員自可及時自效等因欽此伏查佐雜一官  
職分雖卑而親民最近向例並無正途非書吏卽  
捐班書吏例案雖熟舞弊實其長技捐班流品尤  
雜謀利是其本心一縣之地卽古諸侯之國知縣  
一人耳目難周不得不寄之此輩民生何以日裕  
吏治何以日淳查各省佐貳雜職除敘職三千餘  
缺不計外尚有三千八百餘缺鹽課漕運河工均  
關緊要而無一滿洲蒙古人員推原其故當年八

旗人少卽文職州縣武職綠營亦係漸次增添今  
八旗人多馬兵步甲尚難挑充何妨先予小官試  
之民事漢軍本有考職捐職之例行之百有餘年  
並無格礙官小易就出京者多於生計大有裨益  
滿洲蒙古外官甚少道府不過十之二三丞倅與  
理事旗缺合計尚及四分之一州縣不及十分之  
一今滿洲蒙古舉貢生監中不乏品學兼優諳練  
民事之士應請卽照漢軍之例一體准其考職捐  
職其班次毋庸另議應請卽於捐班應選班內相

間輪用如此則於別項班次並無妨礙而滿洲蒙古登進之途漸廣逐加歷練有成有用之材佐雜中得正途出身之旗人漸挽捐班書吏之積習於吏治民生均有裨益此則舊例之必應畫一而毋庸別立章程者也

一 雙城堡屯田經始維艱宜推廣以竟成功也臣等各飭所屬再行剴切申明如近京并

盛京等處有地畝可種者准其告假自往清查如願自種准其呈明遷徙居住或與原佃之人夥種分糧

或撤出一半自行耕種仍留一半與原佃耕種如  
此則旗產可獲實利而民人亦不致失業以示公  
平而杜訟端其地畝久經典賣力不能贖無地可  
種者臣等將移駐雙城堡之例詳細逐戶諭知嗣  
後每年移駐務期足原奏二百戶之數如有多者  
陸續分年移駐仍按年將移駐數目先期行知該  
將軍預爲辦理如此則善政可告成功旗人永享  
樂利之福而雙城堡地畝房間帑項均歸實用藉  
人以盡地利卽藉地利以養人我

國家億萬斯年戶口日增土地亦日開闢此則舊例之  
必應推廣而兩有益者也

以上四條俱係遵循舊例之意將後人奉行不當之  
處或力復舊制或酌合時宜實於旗人大有神益縷  
悉敷陳敬候

聖明採擇如蒙

俞允由值年旗移咨各該衙門遵照實力奉行以仰副我  
皇上惠愛旗人有加無已之至意等因道光五年四月二  
十六日奏奉

旗人逃走銷檔  
等款章程通行

旨依議欽此

雲南司通行

廂黃旗滿洲都統 等奏懲勸旗人一摺所有未盡  
各事宜現據各該處咨請部示本部逐加查核酌議  
七條應通行各省遵照辦理

道光五年督捕司通行

一查逃旗舊例初次逃走一年內投回者免罪拿獲  
者鞭一百新定章程內僅係旗人初次逃走實由  
病迷投回仍准挑差如逾限一月後無論投回拿  
獲即行銷檔而一月內投回拿獲作何辦理並未  
議及自應仿照舊例辦理應於例內添敘旗人初

次逃走一月內投回者免罪拿獲者鞭一百俱仍准挑差

一查逃走舊例並無限期銷檔是以永遠緝拿今既奏准章程定限一月後無論投回拿獲均行銷檔則章程以前所有在京並各省駐防一切逃人無論初次二三次若在奏定章程一月內投回拿獲者俱免其銷檔外如在一月以後應照新定章程毋庸緝拿卽行銷除旗檔

一查旗人既經銷檔其妻未便仍以旗人論自應一

准戶部咨各省  
駐防道路遠近  
不一如駐防旗  
人在章程以前  
逃走者以接准  
部文之日起限  
如在奉文以後  
逃走者仍以逃  
走之日起限一  
月內投回毋庸  
銷檔一月外投  
回卽行銷檔等  
因所有江寧將  
軍咨報逃旗扎  
勒空佈投回尚  
在該省未奉部  
文以前應將該  
犯交旗領回管

併銷檔以昭平允若子與女應否銷檔總視其原  
犯案由如僅止銷除本身戶籍者其未經銷檔以  
前所生子女仍依旗人論如原犯連子孫一併銷  
除旗檔者其子孫及女一概歸入民籍

一查逃人舊例並無限期銷案其失察及承緝各官  
例有處分是以年終有無投回拿獲自應造報彙  
題今逃人業已奏准定限一月卽行銷檔所有失  
察及承緝各官處分概行刪除自毋庸造報彙  
題惟查逃人於限內投回拿獲以及逾限銷檔者

東見其銷檔仍  
准提補差使並  
通行各省遵照  
道光六年督捕  
司通行

應仍逐案報部核覆並於年終彙題以昭慎重  
一查發遣當差之旗人在配復行逃走者較之僅止  
逃走之旗人情節更重今旗人一經逃走卽照奏  
准章程定限一月銷檔則從前發遣當差之旗人  
倘有在配脫逃若在奏定章程一月內投回拿獲  
者免其銷檔外如在一月以後尚未投回拿獲者  
應卽先行銷檔仍照例緝拿

一查旗人逃走舊例並無逾限銷檔之文止論其次  
數分別治罪今新定章程定限銷檔而從前逃走

之旗人無論一次二次三次均已投回拿獲者俱  
免其銷檔其於奏准章程後復行逃走自應免其  
併計仍以初犯逃走分別投回拿獲照例辦理

一查家奴逃走本與旗人逃走之例不同旗人逃走  
雖新定章程定限銷檔而逃奴未便與逃旗並論  
若將逃奴亦定限銷檔是以本係家奴一經逃走  
轉得爲民恐啓家奴逃走之漸且於情法亦未平  
允所有家奴逃走之處應毋庸議自應仍照舊例

辦理

包衣旗人逃走  
毋庸銷檔

戶部 咨王公屬下包衣旗人逃走不准銷檔一案  
查前據廂黃旗都統條奏旗人官員逃走一次卽行  
革職銷檔等因此係專指正身旗人而言是以本部  
僅將正身旗人逃走例內修改銷檔字樣而旗下家  
人逃走各例並未修改誠以家奴若因有犯反得轉  
賤爲良不足以昭平允故仍應照舊例問擬其王公  
屬下包衣有犯不准銷檔本部亦經辦理有案今准  
戶部酌議王公屬下包衣官兵閒散人等如有逃走  
一體查拿毋庸銷檔等因查王公屬下包衣旗人如

包衣旗人初犯  
竊免刺免銷檔

有逃走未便照正身旗人逃走一例銷檔既經戶部  
議以不准銷檔知照各旗辦理核與本部例內並無  
牴牾自可無論次數一體遵照辦理應請交督捕司  
彙入檔冊並傳知各司抄錄存記嗣後如有包衣旗  
人逃走卽照戶部章程辦理

道光五年督捕司說帖

廣東司 審辦撲得兒行竊貝勒府內什物一案查  
例載旗人初次犯竊銷除旗檔如罪止杖管者照例  
科罪免其刺字等語又上年准戶部咨王公屬下包  
衣官兵閒散人等如有逃走一體查拿毋庸銷檔等

因知照在案是王公屬下包衣本與正身旗人不同  
此案撲得兒係閒散包衣行竊奕貝勒府內什物計  
贓在一兩以上罪應擬杖該司以撲得兒與正身旗  
人不同其行竊伊主財物如照民人刺字則該犯寄  
列旗籍現辦並無不銷檔而刺字之旗人若竟依旗  
人銷檔免刺是該犯既得免爲何 之平人反爲  
輕減等因查竊盜係罔顧行止是以正身旗人初次  
犯竊有玷旗籍如罪止笞杖卽應銷檔但免刺字至  
王公屬下包衣究與正身旗人不同初次犯竊未便

旗人夫妻銷檔  
其女仍附旗籍

照正身旗人銷除旗檔亦未便與民人犯竊一律刺  
字應毋庸銷除旗檔仍免其刺字卽照擬發落以示  
區別 道光六年說帖

督捕司 查旗人犯罪銷除旗檔者祇應銷除本身  
旗檔若有犯積匪等項罪名方將其子孫旗檔一併  
銷除不得將祇銷本身旗檔之案因其父母銷檔爲  
民情願帶其子女出旗亦將其子女一併銷除戶檔  
致違定例此案扎克當阿因妻卜氏脫逃例應銷除  
本身旗檔其二女自應仍附旗籍豈得一併銷除如

旗人初犯行竊  
未得財亦銷檔

謂父母子女不忍生離不思扎克當國夫妻既已銷  
檔爲民行止聽其自便何難依附同居撫養揆之律  
法人情俱無窒礙未便輕議更張所有該副都統咨  
請部示之處應毋庸議相應咨覆兵部

道光十一年  
說帖

陝西司 審辦旗人苗玉成行竊未得財一案查例  
載旗人初次犯竊卽銷除旗檔如罪止笞杖者照律  
科罪免其刺字後再行竊依民人以初犯論等語溯  
查此條例文係道光五年條奏懲勸旗人摺內聲請  
嗣後旗人犯竊卽行銷除旗檔如罪止笞杖姑念初

犯免其刺字仍得復爲良民等因奉准纂入例冊是  
例內只言旗人初次犯竊並未言得財與不得財自  
應一併銷除旗檔未便再留旗籍若謂行竊未得財  
之犯律免刺字未便銷檔則旗人有犯恐嚇詐欺及  
准竊盜論免刺之案例內均銷除本身旗檔以此類  
推則行竊未得財之案自以銷除爲允該司因苗玉  
成係行竊未得財免刺之犯未經銷檔殊未允協應  
請交司將苗玉成銷除旗檔改辦彙題稿呈畫

道光十年說帖

與人發掘祖墳  
子孫一併銷檔

貴州司 查例載旗人犯竊銷除旗檔犯該徒罪以  
上者卽照民人一體刺字發配其有情同積匪及賊  
逾滿貫者該犯之子孫一併銷除旗檔各令爲民等  
語此案已革馬甲石二卽明定糾邀家奴李八等發  
掘高祖石如璜曾祖隆恩等男婦墳九塚開棺見屍  
盜取財物經本部審明將該犯銷除旗檔照例擬以  
凌遲處死並將伊年未及歲之子壽節依例擬軍監  
禁俟成丁時發配等因奏結在案茲據該都統咨明  
定有妻武氏女二姐或應留旗或銷除旗檔咨部核

示等因查旗人發塚例應銷除本身旗檔犯積匪猾  
賊則應連子孫一併銷除旗檔今該犯發掘祖墳九  
塚盜取屍物殘忍靡倫較之積匪猾賊其情尤重自  
不便將其妻女留於旗籍所有明定之妻武氏女二  
如應一併銷除旗檔交縣編入民籍嚴加管束相應  
咨覆正白旗漢軍都統並知照戶部

道光十三年說帖

逃加人逃走  
銷檔改爲民追

四川司 查道光五年本部通行內開  
旗人在配復行逃走者較之僅止逃走之旗人情節  
更重今旗人一經逃走既奏准章程定限一月銷檔  
則從前發遣當差之旗人倘有在配脫逃若在奏定  
章程一月內投回拿獲者免其銷檔外如在一月後  
尚未投回拿獲者應卽先行銷檔仍照例緝拿等因  
通行各省在案此案順興係成都駐防旗人先因酺  
酒滋事發遣吉林當差該犯在配脫逃二年有餘始  
行投回較之無罪旗人逃走情節更重自應遵照通

逃旗之妻情願  
在旗侍養看墓

行銷除旗檔交該將軍與該處民遣一體嚴加管束

如再有犯照遣犯之例辦理

道光十二年說帖

西安將軍 咨逃人之妻可否暫留旗籍一案查上

年十一月間經涼州副都統以銷檔之旗人若於投

回之日與其妻如何安置經本部查旗人既經銷檔

其妻未便仍以旗人論自應一併銷檔等因通行在

案前項逃人之妻原因律以從夫之義是以一併銷

檔但旗檔雖銷名分自在仰事俯畜原應各從其便

茲據該將軍請示現經戶部查明議覆 此項逃人之

宗室逃走緝拿  
由宗人府會同

妻如有情願在旗侍奉翁姑撫育子女及看守墳墓  
本與清釐旗籍無涉應各聽其便等情應令該將軍  
查照戶部所議辦理至逃人之妻應得養贍錢糧及  
病故後白事實銀亦經戶部議有章程應令遵照戶  
部章程辦理

道光六年陝西司說帖

福建司 查道光五年本部議覆杭州等處將軍以  
旗人逃走今既奏定章程定限一月後無論投回拿  
獲均行銷檔則章程以前有在京並各省駐防一切  
逃人無論次數若在奏定章程一月內投回拿獲者

俱免其銷檔外如在一月以後應照新定章程毋庸  
緝拿卽行銷除旗檔等因通行在案是章程內旣指  
明在京及各省駐防則該撫所稱

圓明園內務府

東陵

盛京熱河察哈爾吉林黑龍江等處自己該括在內此  
項人犯如果別無罪犯自應遵照辦理毋庸緝拿至  
宗室在逃應如何辦理事隸宗人府本部未便懸擬  
應將原咨送宗人府會議

道光七年說帖

宗室覺羅逃走  
偷宗人府定例

奉天司 查舊例內載在京另戶滿洲蒙古漢軍初  
次逃走被獲者鞭一百一年內自行投回免罪一年  
以外投回鞭六十二次逃走被獲者枷號一個月鞭  
一百六個月內投回免罪六個月以外投回鞭八十  
三次逃走被獲者發黑龍江等處當差三個月內投  
回免罪三個月以外投回者鞭一百投回三次後復  
逃者雖係自行投回不計年月卽照初次逃走例鞭  
一百交旗管束仍俱准其挑補差使其罪應發遣者  
妻妾子女願隨者聽該將軍嚴加約束又新例內載

在京旗下官員逃走一次者革職銷除旗檔其另戶  
滿洲蒙古漢軍閒散旗人逃走初次或實因病迷一  
月以內投回者免罪被獲者鞭一百俱仍准排差如  
已逾一月無論投回拿獲及二次逃走者均銷除旗  
檔爲民聽其自謀生理各等語詳繹新舊二例分別  
治罪銷檔俱指旗人而言至宗室覺羅私自逃走只  
應治罪不應銷檔向來此等案件俱係比照旗人舊  
例治罪而不銷檔故辦理無虞竊礙今舊例業已刪  
除新例則逃走一月以外銷檔而不治罪宗室覺羅

既不在銷檔之列卽別無治罪之條現在審奏朋散  
覺羅瑞秀逃走一案罪名卽無憑核定似應酌立專  
條俾資引用可否由宗人府主稿仿照旗人舊例議  
定例文會奏纂入宗人府則例之處相應咨呈宗人  
府查明咨覆

道光六年說帖

無官犯罪

未入學時犯賭  
并丁憂違規案

聞督 奏李維棠係甲寅科舉人嘉慶六年會試後  
挑選一等以知縣用分發河南卽在京聞計丁母憂  
回籍該員先於乾隆五十九年契買陳魁之女素娥  
爲婢伊母楊懇娘時來看女該員隨與楊懇娘調戲  
成姦上年十一月間該員丁憂回家又招令楊懇娘  
在伊屋旁空房居住賣姦得錢抽分又嘉慶二年五  
月間該員赴黃八觀店內買燭令其護價不允挾嫌  
圖詐因黃八觀與伊素識之舉人曾寶光居住相近

遂寫一信內封鉛番四圓託黃八觀轉寄曾質光查  
收旋卽詐稱尚欲添寫將信取出與黃八觀折看誣  
其掉換鉛銀聲言送究黃八觀畏累賠償又四年九  
月間該員見素識之武生楊拔英赴省考試因其年  
輕起意誘賭行詐哄騙至家灌醉賭博當贏楊拔英  
番銀二十五圓因無現銀將其開禁恐嚇自起票稿  
令楊拔英照寫番銀一百圓欠票一紙放出後通索  
得番銀六十圓又鄰人曹復觀雞隻走入該員書館  
央伊家婢女幫同找尋該員撞見誣其調姦婢女詐

得曹復觀番銀十圓經縣訪拿審認不諱應將李維棠革職照棍徒擾害例發極邊足四千里安置係職官免其刺字武生楊拔英被誘同賭應照賭博例枷號一個月杖一百查該武生被誘時年止十五尚未及歲照律收贖其事犯在未經取進入學以前其罪既已准贖衣頂並免褫革嘉慶八年正月奉

上諭王德等奏審明窩娼局賭擾害良民之在籍知縣李維棠擬以發遣一摺職官在籍守制卽妄爲婚娶尚干例禁今李維棠現丁母憂仍招納姦婦在於空房居住

並令賣穀分得錢文無恥已極且此外尚有訛詐等事  
情節實屬可惡李維棠著先枷號兩個月示衆俟滿日  
再照該督等所擬發遣安置該部知道欽此

所見集案

流囚家屬

呈送家奴發遣  
妻子一併發配

福建司 審擬提督咨回公巴巴克霍卓呈送家奴  
蘇勒比酗酒滋事 案查名例載旗下家奴與酒行  
兇經本主報明該旗送部發遣之犯所有妻室子女  
俱一體發遣賞給兵丁爲奴其有年老殘廢及子女  
幼小不能隨帶者或令於親屬依棲或聽本婦另嫁  
不准仍留原主家服役等語此案家奴蘇勒比因屢  
次酗酒滋事不服伊主管束被伊主呈送發遣被送  
之家奴蘇勒比既照例發駐防爲奴其妻子自應照

例一體發遣該司議將蘇勒比之妻子交主管束與  
例未符應請交司照例更正臚等復檢查本年浙江  
司審擬劉恩寶因酗酒滋事經伊主霍順武呈送發  
遣一案將該犯擬發駐防給官員兵丁爲奴其妻子  
據伊主霍順武呈報情願跟隨赴配訊之該犯亦願  
自行攜帶准其自行隨帶不得官爲資送等因是劉  
恩寶一案因係正犯之妻子情願跟隨赴配是以酌  
情准令隨帶並聲明不得官爲資送與例義稍有未  
協恐各司審辦此等案件因本犯不願隨帶妻子竟

當差旗人在配  
生子准入丁冊

有斷令仍留原主家服役者辦理未能盡一應請交  
各司存記嗣後有各旗呈送家奴發遣之案其妻室  
子女悉行照例辦理以免歧誤

嘉慶二十三年說帖

福建司 查旗人犯罪發遣如係銷除旗檔者卽照

民人一體辦理若係發遣當差並未銷除旗檔之犯  
則本犯到配後例得入於該處旗籍挑補差使其在  
配所生之子若報明載入旗籍確有柄據者自不應  
混入民籍此案已故遣犯巴彥珠在配所生之子之  
十九前據該將軍造八十年無過冊內擬請省釋並

稱六十九不願回籍聽其自便等語並未將六十九  
曾否造入該處旗籍之處聲明本部因六十九係遣  
犯巴彥珠在配續娶所生之子恐有抱養過繼情弊  
未便令其混入旗籍既據該將軍冊報下願回籍聽  
其自便自應照民人一例辦理是以酌擬安插爲民  
今據咨稱該故犯巴彥珠曾經在配挑補甲缺伊子  
六十九亦經入於本處丁冊造報是否仍入本處駐  
防旗籍等語職等詳加酌核本犯巴彥珠既係當差  
遣犯已在該處挑補甲缺伊子六十九雖係在配所

旗人銷檔後其妻係宗室氏雖否隨配聽其自便案載徒流逐徙地方係

銷檔以後所生子女以民人論

生亦經造入該處丁冊自應仍照旗人在駐防步差

惟是該將軍從前冊報因何不將六十九已入該處

丁冊之處聲明輒稱聽其自便此次亦未將曾否報

明戶部入於旗檔之處詳敘明確自應一面咨查戶

部一面查詢該將軍另文聲覆以防弊混

乾隆五十六年說帖

東陵承辦事務衙門 咨福隆前因竊賊一兩銷除本身

旗檔其妻子毋庸銷檔如該犯願與妻子過度聽其

自便嗣福隆添生一女年至五歲應否載入冊檔添

食口米咨請部示查福隆現生之女係銷檔後所生

在配犯屬世所  
生子分別程回

已與民人無異未便載入冊檔亦毋庸添食口米

嘉慶二十三年直隸司案

奉天司 查上年四月初八日欽奉

恩詔內開一軍流人犯有本人身故其妻子情願回籍者  
該管官報明該部准令各回原籍欽此當經本部酌議  
章程軍流人犯家屬本係無罪之人向來毋論本犯  
會否身故俱聽其自便惟照例令妻發配一項本犯  
身故不准私自回籍現在欽奉

恩旨查辦應將令妻發配軍流遣犯如有本犯身故妻子

家屬均令地方官一體查明報部准其各回旗籍若不願者聽其自便等因奏准通行在案今黑龍江將軍咨遣犯身故前經配所家主給配之妻或係發來婦女或以契買婦女匹配所生子嗣如有一體情願回籍應否釋回可否聽其自便等語查僉遣家屬既准令其回籍則在配由伊主配給之妻及所生之子如係伊主契買婦女配給者其人本無犯罪伊夫已經物故自應一體准其攜骸回籍至在配犯婦本係有罪之人配給遣犯爲妻與僉配家屬不同自不在

釋放之列如再過

恩詔查辦時核其原犯情罪分別辦理其在配所生之子  
即屬無罪之人有情願回籍者亦准其釋回不願者  
聽其自便至該將軍咨此等人犯所生子嗣如有隨  
同該家主滋生事端或即照家主奴僕之例辦理或  
應如何辦理之處例無明文等語查此等遣犯之子  
既在主家所生倚主家養實與家主奴僕無異如有  
隨同滋事自應照家奴例辦理若釋放後已出主家  
目謀生業並無倚主養贍即屬良民有犯應以凡論

又該將軍咨臺灣案內自行投出之李光璘等均係  
發遣爲奴伊等戶口一併發來並無爲奴字樣到配  
時俱一體爲奴在案今既查無爲奴字樣將伊等撤  
出聽其自便此內如本犯已故其妻子有願回籍者  
可否釋回等語查李光璘等均係臺灣從賊股頭因  
其自行投出發往各省安插嗣因同案之鄭管等在  
配脫逃經本部奏明將該犯等發黑龍江爲奴連眷  
屬一併發遣該將軍以原奏內該家屬等既無爲奴  
字樣撤出聽其自便自應如所咨聽其自便惟查該

犯等原係發往各省安插向來各省安插人犯從無  
准令回籍之例如因改發而轉得遇

赦釋回殊未允協所有李光璘等案內本犯身故其妻子  
俱應照安插人犯之例一體入於該處民籍不准釋  
回 嘉慶五年說帖

遣配娶妻無罪  
婦女雖其攜帶

奉天司 查本年三月內吉林將軍咨釋回遣犯內  
有伊主在本處與伊娶妻其所娶之妻應否一併釋  
回經本部議以所配之婦係大逆緣坐及實發爲奴  
者不准隨帶回籍若係尋常僉遣之婦與其餘配給

家室一概准令攜帶同回核覆在案此案釋回遣犯  
張長貴兒先經伊主爲該犯娶妻蒙古氏生子滿珠  
那伊主復爲其子滿珠那娶妻成姐生子八兒因伊  
主雅隆阿將成姐及八兒帶往察哈爾任所今張長  
貴兒業經奏明准釋該犯欲赴察哈爾將成姐等接  
回完聚等因咨部查張長貴兒與子滿珠那均係伊  
主爲之娶妻如所娶之蒙古氏及成姐並非大逆緣  
坐與實發爲奴之犯自應准其一體攜帶回籍但原  
咨內並未將成姐等是否平人詳細聲敘礙難懸定

遣婦配給遣犯  
爲妻不准隨帶

自應就近行令察哈爾都統查詢伊主雅隆阿分別  
辦理較爲詳愼

嘉慶元年說帖

陝西司 查此案遣犯孫幅之妻唐喇氏屈伸之妻  
李劉氏俱係發遣爲奴犯婦經伊主配給孫幅等爲  
妻非隨往遣所之犯屬可比今孫幅等遵例由主家  
撤出種地若將該氏等一併撤出給與隨帶是發遣  
額魯特爲奴之犯婦竟與遣犯隨帶之妻室無所區  
別誠恐將來辦理混淆致滋錯誤且唐喇氏係河州  
逆回案內發遣與尋常僉遣者不同而李劉氏原犯

應配旗人之妻  
夫故無依改嫁

案由谷內未據聲明似不便送給孫幅等帶往種地  
惟是該犯等結褵多年俱各生有子女一旦拆離洵  
如

釣諭情殊可憫似應將孫幅屈伸仍留原土家服役毋

庸撤出種地  
乾隆五十四年說帖

吉林將軍 咨發往當差已故遣犯三格隨帶之妻  
瓜爾佳氏在配改嫁壯丁吳添保為妻一案奉

諭應否准其改嫁交館查核遵查居喪嫁娶律內惟命  
婦夫亡雖服滿再嫁者杖一百追奪

勅誥離異至正身旗人隨往遺所之婦夫故自願改嫁律

例並無作何辦理明文今瓜爾佳氏原係西安駐防

披甲三格之妻三格因屢用金刃傷人發往吉林當

差將該氏隨帶赴配嗣三格在配自縊身死咨明准

其攜骸回籍飭令三格之兄六德前往遺所領取在

案茲據該將軍咨稱該氏以親屬寄信無力往接伊

係孤身不能自回因在彼難度已改嫁旗人官莊壯

丁吳添保爲妻等語詳加叅酌遺犯自行隨帶妻室

與例應僉遺犯屬不同似應聽其自便但旗人正身

蒙古與妻發遣  
妻因患病未解

孀婦例有寡婦錢糧養贍應否准其改嫁本部無可  
稽查似應行查戶部並值年旗查明咨覆過部再行  
核辦 乾隆五十八年陝西司說帖

直隸司 查例載律應僉遣之犯如有因妻患病留  
養將本犯先行發遣俟伊妻病痊補解若伊妻原係  
有疾不能隨行及患病留養後成篤廢不能補解者  
報部查核等語此案特古素因行竊什爾莫家衣物  
拒傷事主平復擬絞監候秋審緩決三次減等僉妻  
發遣前據該都統咨稱該犯之妻呼和齊克患病照

例停解並稱伊姑年逾六旬夫弟白彥等早年外出  
懇求留養等情經本部行令查明取結報部去後茲  
據該都統咨稱特古素之母杜蘭比里克供稱次子  
白彥早已不知去向三子綽克土分居另過除兒媳  
呼和齊克奉養無人可靠再呼和齊克患病未愈只  
求把呼和齊克留養等情取結報部等因查該妻發  
遣之犯將其妻留養係指妻患病不能解配而言並  
無因侍親留養之例且犯母杜蘭比里克次子雖不  
知去向尚有三子綽克土奉養未便酌留長媳侍奉

應令該都統查明呼和齊克患病曾否痊愈如果病  
痊卽行照例補解倘因病成篤實在不能解配再行  
照例酌量免發

道光十一年說帖

常赦所不原

呈送發遣人犯  
應照赦款減免

江西道御史 奏觸犯擬遣之犯遇

赦查詢犯親如願令回籍卽准釋回毋庸遞減等因一摺  
奉

硃批刑部議奏欽此據該御史奏稱竊照祖父母父母呈  
送子孫發遣之案乾隆六十年軍機大臣會同刑部  
查辦新疆黑龍江等處遣犯奏奉

高宗純皇帝特旨觸犯父母發遣人犯遇赦傳詢各犯父母  
如願伊子回家者准其釋回又嘉慶六年欽奉

上諭御史鄭敏行奏請定嗣犯父母發遣人犯不准援赦之例一摺此等遣犯向例皆不准援赦嗣於乾隆六十年查辦發遣人犯欽奉

皇考高宗純皇帝特旨如查詢伊祖父母父母願令其回籍者卽准釋回赦釋

聖意子孫違犯教令其祖父母父母送官發遣或係出於一時氣忿及至子孫遠戍後未必心存繫念是以

皇考特諭有仍願子孫回家者准其援赦係曲體天下爲祖父母父母者之心並非爲會犯忤逆之人稍爲寬宥自

當永遠遵行所有觸犯父母發遣人犯如遇恩赦傳諭各犯祖父母父母有願伊子孫回家者仍欽遵

皇考諭旨准其釋回以符孝治天下之義倘赦回後再有忤逆情事一經呈告卽當加倍治罪至前定父母已故准令釋回條例係彼時軍機大臣等所議原未允協忤逆發遣之人若謂伊父母已故不致再有忤逆情事卽准釋回殊非情理況該犯等於親在時旣敢於違犯失其歡心又安望其有依戀墳墓之誠耶此一條著卽刪去仍遵例不赦欽此從前恭遇嘉慶元年

恩詔欽遵辦理在案二三四五六十一等年歷奉

恩旨其於此項遣犯仍照各項軍流遣犯一例遞減爲杖  
一百徒三年徒滿之日方准釋回惟思此項遣犯向  
例不准授職仰蒙

高宗純皇帝特頒

恩旨復蒙

皇上垂訓諄諄所以曲體天下爲祖父母父母者之心誠  
非於曾經忤逆之人有所寬宥若必拘泥尋常軍流  
遣犯遞減之例徒滿始准釋回竊念爲祖父母父母

者子孫遠戍之後痛戀已深欣奉

恩旨查辦歡欣感激盼子歸家乃回籍而復令充徒三年  
中日月方長無論衰朽之年桑榆莫待卽或精神尚  
可支持而因其子之漸近其想戀更甚於其子之遠  
戍者舐犢私情實堪憫惻應請嗣後奉有

恩旨查辦此項人犯無論已結未結在配在途一體查詢  
其祖父母父母願令回籍者卽准釋回毋庸遞減特  
立專條不得拘泥尋常軍流遣犯援減之例其祖父  
母父母已故者仍請照舊辦理等因具

奏前來查辦理觸犯祖父母父母查詢之犯全以欽奉

恩詔爲斷

恩詔內軍流人犯悉予寬免則觸犯發遣之犯查詢後准其釋放如所奉

恩旨係軍流人犯減等發落此項人犯雖查詢祖父母父母願令回家亦應一律減徒以歸盡一誠以

國家赦典輕重應須一致不能因觸犯一二辦理參差以致兩歧該御史所奏毋庸遞減之處似屬難行惟是此等人犯其祖父母父母旣因想戀子孫願其歸

家若必俟三年徒滿之後始准釋回不惟年老之親不能久待亦非仰體

恩施法外之至意自應量爲變通嗣後查詢犯親願令回家如

恩赦准其免罪者卽准釋放若止准減等者仍行減徒其所減徒罪照親老留養之例枷號一個月釋放至已經到配人犯若所奉

恩旨未經指明查辦者觸犯一項仍毋庸查辦如此分別辦理庶情法兼備而於歷次章程亦不至窒礙

刑部擬軍脫逃  
遇赦准其直詢

嘉慶十三年奏准通行已纂例

浙撫 咨拿獲逃軍韓幘選一案韓幘選應依實發  
雲貴兩廣人犯脫逃例改發黑龍江等處爲奴照例  
刺字再查上年十二月本部議覆御史條奏觸犯發  
遣之犯恭遇

恩赦查詢犯親願領回者將所減徒罪照親老留養例枷  
號發落等因奏准通行至觸犯開擬軍罪在配脫逃  
被獲例應加等改發之犯卽查詢犯親情願領回按  
照軍犯脫逃遇

赦得免逃罪之例祇准免其逃罪應仍發原配充軍不得  
與在配未逃人犯一例減徒其原犯軍罪應否枷號  
發落通行內未經議及惟此等人犯本係伊祖父母  
父母呈請發遣既經遇

赦查詢願令回籍若仍令羈留軍配不得遂其烏私殊非  
曲體爲人父母者望子之心查軍徒事同一例自應  
與觸犯發遣應准減徒之犯均照親老留養一體枷  
號發落俾情法得以兩全此案韓相遲脫逃被獲到  
官在木年正月初一日

恩詔以前應令該撫轉飭查傳伊父韓忠岳詢明如願令  
該犯回籍應免其刺字改發其原犯軍罪卽照親老  
留養例枷號四十日枷滿交與伊父領回管束該犯  
先在軍配決杖應免折責如不願該犯回籍或犯親  
業已物故卽照擬刺字改發不准免其逃罪仍令照  
例彙題並通行各省遇有此等案犯一體遵照辦理  
嘉慶十四年通行

直督 咨前因觸犯擬軍脫逃改發新疆業已到成  
之郭棟一犯現奉

恩旨應否查辦犯親咨請部示一案查向來恭逢

恩旨查辦減等其新疆已到配人犯非

恩旨載明或由本部奏請者例不准其查辦本年五月初

二日欽奉

恩旨查辦直隸省軍流以下人犯減等經本部奏明由直隸地方犯事間發各省已未到配軍流與間發新疆等處尚未到戍等犯俱准予查辦如間發新疆業已到戍各犯均毋庸查辦等因奏准在案此案郭棟前係觸犯伊母呈送發遣擬軍嗣因在配脫逃改發新

過赦不願領回  
後又具呈請釋

疆管差與別項人犯發遣新疆及由別項軍罪脫逃  
加發新疆業經到戍之犯相同係在本部奏明不在  
查辦之列所有該省聲稱應否查詢犯親之處自應  
按照奏定章程毋庸查辦以昭畫一  
嘉慶二十二年  
說帖  
浙撫 咨遣犯邵懋春可否釋回咨請部示一案奉  
堂批此案似可據情核准其如何具題之處交館查議  
等因查此案據該撫聲稱邵懋春前因觸犯伊母童  
氏呈送發遣恭遇嘉慶十九年

恩旨查詢犯母童氏不願領回今據童氏呈稱前因伊子邵

懋春發遣未久未知其情性改悔與否是以不願伊子回籍今據伊媳由配回籍聲稱伊子邵懋春到配後追悔前非業已改過該氏惟念骨肉願子回歸具結求釋等語查因觸犯擬遣之犯定例恭逢

恩赦始准其查詢犯親願否令其回籍並無

赦後再行查詢之例惟查王法本乎人情而送子發遣之

### 案遇

赦得准向犯親查詢則爲子者之應否回歸又明予犯親以權使得自爲專主是施法外之仁卽仍寓委曲教

孝之意此案該犯之母童氏於十九年遇

赦查詢時雖不願伊子回籍惟現據呈稱前係因伊子發遣  
未久未知其情性能否改悔卽此而論若彼時伊子  
業已改悔該氏已有願令回歸之意今據伊母童氏  
結稱伊媳由配回籍訴述伊子邵懋春追悔前非業  
已改過該氏惟念骨肉願子回歸如仍令羈留配所  
該犯不得遂烏烏之私若謂孽由自作而犯親待  
無人桑榆暮景反無以自慰揆之天理人情似未爲  
允協該犯係曾經遇

赦查詢之犯似可推廣

皇仁准其釋回行令配所廣東巡撫飭屬查明即將該犯邵懋春解交原籍照例減徒折枷釋放此後如有似此案情均可照此辦理其未經遇

赦查詢者似不准查辦以符例意再查此案係由遣減等例應具題請

旨辦理第止此一案未便專本具題現有直隸省上年軍流減等應行具題之本似可附入彙題以省繁牘

嘉慶二十三年說帖

山東司 查劉棹係觸犯伊母呈送發遣廣東之犯

恭逢歷次

恩詔例應查詢犯親願否領回分別減釋先經犯母劉王氏因發配未久未經呈請今因幼子病故念子情殷呈請將劉棹釋回查該犯事犯在歷逢

恩詔以前如犯親情願領回本准釋回今據伊母劉王氏呈請卽與情願領回無異該犯業已恭逢

大赦毋庸再予枷責應卽准其釋回

道光六年東撫請示說帖

廣西撫 咨林萬逞呈送伊子林秀傑發遣一案前

觸犯未經遇赦  
犯親呈懇釋回

准部覆將該犯發往貴州省安置茲據該縣詳稱林萬逞呈稱竊蟻長子林秀傑不遵教訓於道光二年呈請發遣在案奈自長子赴配之後次子病亡三子病廢蟻年逾七旬煢煢無靠今長子在配悔過疊信思親蟻亦舐犢情深願其歸里祇得歷呈哀叩轉詳俾蟻父子重逢禪祠有賴恩同再造等情訊供無異查林萬逞前以林秀傑竊銀花用懇求發遣今因次三兩子一故一廢侍養無人懇將林秀傑釋回呈詞懇切情殊可憫查核原案該犯祇係一時頂撞並非

赦前將人毆傷  
赦後其人自盡  
止利威逼本罪  
案載赦前斷罪  
不當條

怙終屢犯似應俯如所請准予省釋回籍以便侍養  
理合具詳核咨等情相應咨部等因查此案林秀傑  
係林萬逞長子性好遊蕩浪費嗣因圖竊伊父銀錢  
被父斥罵該犯出言頂撞伊父氣忿將該犯懇求發  
遣依例擬軍在案茲據伊父以所生三子自長子赴  
配後次子病故三子病廢年逾七十侍養無人呈懇  
將林秀傑釋回等語查觸犯擬軍之犯定例恭遇  
恩赦准其查詢犯親願否領回其未經遇

赦者向無查辦之例今林秀傑自被呈送發遣後在配悔

面刺烟瘴改發  
之軍犯遇赦減  
徒時應予起除  
刺字案載起除  
刺字條

過點信思親而林萬逞亦因該犯赴配後其兩子旋  
卽一故一廢桑榆暮景獨無依呈懇將該犯釋放  
若以例無明文仍令羈留配所則其父殘年待斃  
子不歸既非所以順衰老之情亦不足以教人子之  
孝準情酌理似應予以自新之路准令釋回以昭允  
協現據該撫聲明查核原案該犯祇係一時頂撞並  
非怙終屢犯請予釋放惟查

赦典章程內觸犯擬軍查詢犯親情願將該犯領回者卽  
行減等照徒犯親老留養例枷號一個月杖一百林

逃回省親被獲  
其父呈請免遣

秀傑自應比例枷責准子領回相應行文貴州巡撫  
卽將該犯林秀傑遞回原籍廣西照例枷責滿日給  
予伊父林萬達領回侍養除移付浙江司比例彙奏  
外相應傳知各司以備查照辦理

道光七年說帖

川督 咨傳兆來因偷竄伊父傅功茂膳穀被伊父  
查知訓責該犯出言觸犯經傅功茂呈首發遣廣東  
陽江縣安置該犯被父呈首後追悔無及至配日夜  
思念伊父欲回家省視乘間脫逃尚未抵家旋被拿  
獲並據伊父傅功茂呈稱伊大子二子三子出外多

年杳無音信五六兩子均已病故伊年老孤獨無人  
侍奉該犯現已改悔願將伊子領回自行管束等情  
查觸犯擬軍之犯定例恭遇

恩赦准其查詢犯親願者領回其未經遇

赦者向無查辦之例今傅兆來被父呈首至配後追悔莫  
及日夜思念伊父是以脫逃回家省視而傅功茂因  
詣子或外出無音或已病故現在年老孤獨無人侍  
奉該犯既已改悔願將伊子領回自行管束求免發  
遣雖例無明文而衡情酌辦似應准予釋回以遂其

烏烏之私惟查

赦典章程內觸犯擬軍查詢犯親情願領回者卽行減等  
照徒犯親老留養例枷號一個月杖一百傳兆來自  
應仿照此例枷責准其存留養親並比例彙奏

道光八年說帖

湖廣司 查例載觸犯父母發遣之犯遇

赦查詢伊父母願令回家如

恩赦准其免罪者卽准釋放若祇准減等者仍行減徒其  
所減徒罪照親老留養之例枷號一個月滿日釋放

市經發配誤聞  
赦典不准請釋

等語是觸犯父母發遣之犯必恭逢

恩赦方准查詢犯親願否領回若未遇

恩赦卽犯親呈請釋回並無寬釋之例此案愛紳泰於本年八月間被伊父呈送發遣經本部照例發遣黑龍江業已起解計程早應到配今伊父母復在該旗都統處呈請將伊子釋回並稱黑龍江省分現在恭逢恩赦例得犯親領回等因查愛紳泰被父呈送發遣已在上年十一月初九日

恩詔之後至本年九月二十五日

偶致觸犯開喪  
哀痛隨時呈辦

恩詔查辦遣軍各犯係指在東三省犯事者而言其他省

犯事發往東三省人犯並不在查辦之列所有愛綢

泰父母呈請應將伊子釋回之處應毋庸議

道光九年說帖

浙江司

查嘉慶十七年四月二十三日

臣部會同

宗人府審奏圈禁覺羅富存自行抹脖子身死一案奉

旨富存於上年見另案被母呈送圈禁之人有呈懇釋放

者伊心懷憂悶自稱父母俱故不能放出勸慰莫解因

而自戕閼其情節亦覺可憫子於父母如有干犯重情

早經依律治罪其偶違教令經父母一時之怒送官監

禁者情節本屬稍差伊父母呈懇釋放亦尚有不忍遽  
絕其子之心設伊父母猝患危疾及衰老身故該犯羈  
身園土聞信後漠不關心是其天良漸滅無可矜憐若  
尚知惓念天親哀思悔恨痛不欲生竟以無人懇釋因  
而自戕或癯斃固圉亦無以廣法外之仁著刑部會同  
宗人府核議並此外旗人民人經父母呈送忤逆之犯  
其父母因病身故有情節類此者應如何訊問本犯酌  
理準情分別應禁應釋詳議條款奏定後載入則例遵  
行欽此當經宗人府會同臣部酌議條例通行遵辦在

案嗣<sub>臣</sub>部於嘉慶二十一年核覆直隸等省屬大有  
等案內復通行各省嗣後務須詳查例案必實係偶  
有觸犯而又有聞喪哀痛情狀方准咨部辦理以昭  
畫一等因亦在案查此條例文原因犯親遇有病故  
許令親屬在本籍隨時呈報行知配所如係偶有觸  
犯者察看本犯果有聞喪哀痛迫切情狀奏請釋放  
以廣法外之仁並非恭逢

恩詔始行查辦茲查廣西等省咨報王金鈴等七犯在配  
聞喪哀痛俱係嘉慶十九年及二十四年

恩詔例應查詢犯親願否領回始俱報犯親病故經配所  
察看該犯等實有問喪哀痛情狀遵例釋回誠恐誤  
會例意恭逢

恩詔始行查辦殊失定例本意應再通行各省查照定例  
出示曉諭如遇有犯親病故卽令隨時呈報查辦以  
符定例等因奏准 道光元年通行

發遣到配聞母  
病故逃回被獲

浙撫 咨軍犯陳泳發在配聞母病故逃回被獲咨  
請部示一案查呈送發遣之犯須安靜守法其親在

籍病故該犯在配所聞喪哀痛察看情形屬實由配

所咨報方准核明釋放係於悔過自新之人示法外  
施仁之意必須核實辦理不容稍有寬縱此案據該  
撫聲稱陳泳發因觸犯伊母金氏呈送發遣在配聞  
知伊母病故欲趕回治喪私自逃回該犯母故在先  
逃回在後其在家哭泣有地保可證似非捏飾雖哀  
痛非在配所而追悔迫切之情易地皆然惟例無明  
文應否依在配聞喪長痛准其釋放抑仍照逃軍加  
等調發之處咨請部示等因查該犯先因伊母呈送  
發遣到配後輒敢私自逃回殊屬玩法其因親故在

家哀痛與在配聞喪哀痛之例不符況該撫已咨查配所據稱該犯先已脫逃是否在配聞喪哀痛無憑查辦且查廣東龍門縣距浙江鄞縣僅四千餘里該犯如係在配聞喪哀痛欲趕回治喪則配所別無掛累自應迅速回籍何以六月初八日脫逃至八月十八日始行到家詳核情節該犯所稱母故在先逃回在後並聞喪哀痛欲行趕回治喪等情均不足信所有陳泳發一犯既未便因其逃後飾詞及地保扶捏供情准予請釋卽實係在配聞喪逃回亦未便以法

脫逃自首親故  
仍查有無哀痛

外之仁爲醫不畏死者開倖逃之漸應將陳泳發仍

照逃軍例定擬

嘉慶二十一年說帖○應與後件王開治案參核

此案復因該犯在配私逃究由趕回治喪之故應酌免逃罪仍發原配見成案

福撫 咨逃軍王開治解配中途逃回經伊兄呈首

一案查嘉慶二十一年本部核辦在配聞喪哀痛各

犯案內將會經違犯父母送官懲處後復違犯致被

呈送發遣者不准釋回其偶爾觸犯並無屢犯情節

者准其釋回奏准通行在案是父母呈送發遣犯親

已故聞喪哀痛之犯應否准其釋回總以曾否先經

送官懲處爲斷此案王開沛先經伊母王林氏呈送  
發遣在配逃回經伊兄王泳興呈首該省擬將該犯  
仍發原配聲明恭逢嘉慶十九年

恩旨查詢犯母先已身故係屢次觸犯情節較重毋庸查辦  
等因咨部覆准嗣該犯復於中途脫逃潛回原籍又  
經伊兄王泳興呈首該省將該犯仍發原配恭逢上  
年八月二十七日

恩詔不准援免等語查該犯恭逢

恩詔犯母已故自屬無可查詢惟查該犯原案祇係一時

觸犯並非違犯送官懲處之後復被呈送發遣者可  
比應照二十一年奏定章程察看該犯有無聞喪哀  
痛迫切情狀分別辦理至該犯前於十九年脫逃係  
在未經奏定章程以前因該省聲明屢次觸犯是以  
未經查辦嗣於二十一年既經奏定章程以曾否送  
官懲處爲斷則該犯原案內並未先經送官懲處自  
應察看該犯有無聞喪哀痛情狀分別辦理王開浩  
一犯應令該省查訊該犯從前逃回原籍聞知伊母  
身故有無哀痛迫切情狀分別定擬報部再行核覆

道光元年諫帖

脫逃非因親喪  
過赦仍應調發

浙撫 咨拿獲逃軍偷土信一案查呈送發遣之犯  
恭遇

恩赦例准查詢犯親如願令回家卽予枷責釋放若犯親  
病故嘉慶六年曾奉

諭旨不准釋回迨十七年復奉

旨定例如因觸犯發遣犯親病故該犯在配果有開喪哀  
痛迫切情狀准配所察看情狀查核原案咨部分別  
辦理此原其悔過自新之情示以恩施法外之意但

必係偶爾觸犯並非怙終不悛而又在配安分守法  
方准報部核辦如無聞喪哀痛情狀卽應欽遵六年  
諭旨不准釋回至本年

恩詔軍流人犯在配脫逃條例不准減釋者卽不准免其  
逃罪奏定章程通行遵辦在案此案俞士信係伊父  
俞昌南呈送發遣該犯旋因在配窮苦乘間脫逃被  
原籍拿獲經該省查明犯父業已病故將該犯依烟  
瘴人犯脫逃被獲例改發新疆種地當差雖事犯到  
一官在本年

恩詔以前毋庸查辦等因查該犯得罪於父屏之遠方罪  
過

赦非訊明犯親願令回家於例不准其回籍若犯親已故  
無從詢問非有聞喪哀痛之情卽在不准釋回之列  
况係在配脫逃更屬瞥不畏法設該犯係因父喪逃  
回看視尚可憐其愚昧子以寬典仍發原配管束免  
其調發如該司於觸犯軍犯陳泳發一案因聞母故  
逃回治喪免其調發解回原配安置推情酌辦洵屬  
平允今查該省審訊犯供係因在配窮苦逃回原籍

既非聞喪逃回卽無可原之情自應照例科以逃罪  
加等調發雖然拿獲在

恩詔以前第犯父已故無從查詢是該犯係例不准釋回  
之人卽不得援

赦查辦既與犯親尚在准其查詢分別枷釋及犯親已故  
聞喪哀痛准予核釋之例兩不相符亦與聞親病故  
逃回治喪准免逃罪仍發原配之案情罪區分該省  
將俞士信照軍犯脫逃本例加等改發尚屬允協應

請照覆

嘉慶二十四年說帖

屢犯並未送官  
聞喪哀痛推釋

聞喪哀痛釋回  
並非大赦  
接免後復犯罪  
不應加等道光  
三年直隸省奏  
續案

刑案匯覽

卷一

名例

全

常教所不原

直隸司 核咨呈送擬軍人犯呂桐在廣西配所聞  
喪哀痛係屢次觸忤不准釋回一案查前經 等詳  
議將觸忤之犯如業經呈送到官責懲後不知悔改  
復經觸犯之犯雖係聞喪哀痛擬以不准釋放若不  
聽教訓雖有屢次違犯情節該犯祖父母父母並  
未送官親告嗣又觸犯被親呈送發遣者一經聞喪  
哀痛卽准照例奏請釋放等因開單奏准通行在案  
此案呂桐因酒醉滋事屢經伊母陳氏教訓不悛嗣  
復頂撞被母呈送發遣茲該犯在配聞喪實有哀痛

迫切情狀該省以該犯係屢次觸忤干犯情節較重  
與奏定章程不符應不准釋回等因職等詳查原案  
該犯雖經屢次違犯伊丹並未親告與曾經送官責  
懲者有別核與前經議覆直隸等司屬大有等聞喪  
哀痛奏准釋放之案相符呂桐一犯既據該撫察看  
情形實係聞喪哀痛悲切出自至誠似應准其照例  
釋放付知浙江司按季彙奏

嘉慶二十一年說帖

兩次呈送發遣  
聞喪哀痛不准

直隸司 查例載觸犯父母呈送發遣之犯若遇犯  
親病故許親屬呈報該籍行知配所督撫將軍查核  
原案祇係一時偶有觸犯尚無怙終屢犯重情並察  
看本犯果有聞喪哀痛迫切情狀各督撫將軍咨報  
刑部核明奏請釋放若本係桀驁性成屢次觸忤干  
犯致被呈送發遣情節較重之犯俱不准釋回等語  
此案趙老前因嗜酒游蕩經伊父趙英呈請發遣因  
在配思親情切逃回被獲恭逢道光十一年正月十  
二日

恩旨查詢犯親情願領回將該犯枷責釋放嗣該犯復在  
外飲醉回歸趙英氣忿復呈請發遣將該犯依例枷  
號兩個月仍發雲貴兩廣極邊烟瘴充軍實屬怙終  
屢犯與例稱一時偶有觸犯者不同雖據該督咨稱  
該犯在監聞知伊父病故實有哀痛迫切情狀亦應  
照例不准釋回

道光十三年說帖

書吏侵蝕錢糧  
擬斬援免監追

東撫咨鉅野縣書吏陳藍田等侵蝕糧銀可否援

免一案查嘉慶二十五年八月二十七日欽奉

恩詔本部查辦監守盜倉庫錢糧數在一千兩以上擬斬

監候之犯向俱擬准援免是以道光二年本部議覆

山東省濟寧州糧書張象乾侵用糧銀二千六百兩

亦係依監守盜倉庫錢糧例擬斬監候事在

赦前准其免罪仍行監追俟限內有無完繳再行分別核

辦等因核覆在案此案糧書陳藍田等均係侵蝕錢

糧一千兩以上前據該撫將該犯等依監守盜倉庫

官犯庸空援免  
罪名賊亦豁免  
案截給沒贖物  
條督催所贖罰

刑案匯覽

卷一 名例

四

常赦所不原

錢糧數在一千兩以上例擬斬監候並聲明錢糧未  
便久懸先著落歷任失察各員分賠具奏本部於嘉  
慶十六年四月照擬奏覆嗣恭逢

大赦該撫以該犯等例得直辦其應追贓銀現據冊報無

完核與戶部准豁條款相符等因咨部經本部以該  
撫未將此項贓銀如何與戶部准豁條款相符之處

聲明無從核覆當經行令該撫查核條款成案專案

題奏再行核辦等因今據該撫以戶部頒發條款內

開本人侵貪入已應追者查明並無家產及監追無

各省查辦減等  
應將離省較遠  
府州往返程限  
聲明俟文到另  
行報部字樣嘉  
慶十九年通行

完者准予豁免惟該犯等家產盡絕侵蝕贖銀先已  
著落失察各員分賠可否量予寬減咨部本部因此  
項贖銀應否豁免事隸戶部當經行查去後茲據覆  
稱該撫所引條款內侵蝕八已一款請予豁免本處  
並無辦過書吏議免之案再戶部奏停豁免奉

旨截止之後概不查辦等因查陳藍田等前擬斬罪事在  
嘉慶二十五年八月二十七日

恩詔以前核與該省張象乾援

赦免罪之案相符自應准其援免惟張象乾因贖銀無完

文武官犯滿杖  
革職例無援減  
之文案議決罰  
不如法條

仍行監追今該犯等監追已逾十年其所侵銀兩著  
落失察各員分賠是否業已全數完繳未據該撫聲  
明且查據戶部覆稱並無辦過議免之案又稱奏停  
豁免奉

旨截止之後概不查辦是該犯等罪名雖可援免而還官  
贓銀未便久懸無著應令該撫將陳藍田等仍行監  
追俟追賠完繳咨送戶部辦理

道光四年說帖

止查辦杖管  
軍流折柳不准

直隸司查本年六月內奏准清理庶獄減等條款  
除竊匪情類積猾等項情節較重毋庸議減外其餘  
犯該徒罪者俱減為杖一百柳杖管罪人犯悉行寬  
免等因詳查條款所稱柳杖管罪寬免係指原犯本  
罪而言至軍流折柳之犯原不在寬免數內檢查五  
十三年河南司審辦劉三因偽造假銀擬軍查明親  
老丁單准其留養照例柳號四十日杖一百查該犯  
事犯在是年四月初九日清理庶獄

恩旨以前仍照例柳責並未聲明寬免在案今該司審辦

應准援減之軍  
流脫逃在赦後  
者改爲總徒其  
徒犯脫逃科以  
應得杖數已到  
配沃杖者照不  
應重杖均免獲  
日折責發落見  
軍流減等條款  
准赦軍流赦後  
脫逃改爲總徒

劉幅因竊盜三犯擬流查係孀婦獨子准其留養一

次照例枷責發落職等查清理庶獄寬免條款枷

答罪寬免一項雖未指明留養折枷之犯不准援免

但此係由軍流折罪與犯該枷杖者不同似未便竟

予寬免所有劉幅一犯係仿照劉三之案辦理似尚

妥協乾隆六十年說帖

陝西司查辦理軍流援減之案如事犯在

恩赦以前已結未起解未到配及雖經到配計其程限實

係在道會

赦者均應減爲杖一百徒三年至在配軍流因脫逃被獲

適遇

恩赦止應免其逃罪仍發原配安置今陝西省秋審可矜  
減等流犯白青懷係五十五年正月十一日赴解發  
配是年正月初一日欽奉

恩詔時該犯尚未起解例得減徒該撫遺漏未辦嗣因該  
犯於到配後脫逃被獲始據查係應行援

赦之犯聲請免其逃罪仍發原配安置查該犯脫逃係在  
赦後自與援免逃罪之例不符惟應行援減之犯於未奉

查辦時脫逃未獲究不便與安分未逃者一體仍減  
滿徒檢查本年江蘇司核覆援

赦減徒之流犯康萬生於未奉部覆之先脫逃被獲比照  
徒犯中途脫逃被獲例改爲總徒四年於情法最爲  
平允今曰青懷於未奉援減之先脫逃與康萬生之  
案相同該司改爲總徒四年似屬允協

乾隆五十六  
年說帖